

罪

惟

錄

罪惟錄列傳卷之三十五

勝國列傳總論

彼有。吾有之。吾稱天曰。應有之。彼稱天曰。吾故有之。夫未嘗諄。命之。而欲使彼。遂六合以壽我。非情也。傳勝國以見。非傲外之可比也。崇禮北歸。上皇南返。報禮適相稱。雖人為之。寔天為之矣。三衛已携。朔方不復。控制寔難。其未明勝字之解哉。勝也者。不可使。或有敗也。處勝勢。審勝局。操勝算。于勝國。尤宜加意。

勝國列傳

遺元韃靼

洪武元年八月、克元都、元主遁出塞、居應昌、三年上以元
擴廓帖木兒、賀宗哲等、為西北患、令大將軍徐達等、西出
大破擴廓於定西、左副將軍李文忠東出克應昌、時元主
已殂、太子愛猷識里達剌復遁、降其衆五萬人、獲后妃及
太子、買的里八剌歸、封為崇禮侯、時元主鹵已謚惠宗、
上為改謚順帝、遣使致祭、已而太子嗣立、居和林、使其酋
納哈出屯金山、不花屯開元伺邊、上命都督馬雲、葉旺、守遼東、
每大破之、五年、復令大將軍達等、三道出、文忠乘其上、都

取和林。深入土刺河。戰不利。全軍還。而額國公傅友德大獲遁。以西達之。出中路者竟敗。明年。大將軍達出雁門。友德以前鋒逐北。獲其平章鄧季羅帖木兒。及伯顏帖木兒。文忠連敗。鹵於三岔山。下刺河朔州。白登等處。克大寧高州。至豐州。多所斬獲。七年。遣買的里八剌北歸。自是連三年寇邊。我亦頗有新獲。十三年。鹵太師脫火赤入寇。西平侯郭英逐北。涉流沙。薄其營。大敗之。獲脫火赤及知院愛足覆其全部。明年。英復從大將軍北伐。攻灰山。嵩州。高州。全寧。皆克之。友德及長興侯耿炳文復大破鹵。黃河外。時鹵主愛猷識里達剌死。國人謚之曰昭宗。次子益王脫古思

帖木兒立、或曰即買的里八剌也、二十年、爾納哈出、以別
部二十萬衆來降、明年、詔藍玉爲大將軍、出大寧、敗酋主於
捕夷兒海走之、獲其子地寶奴、降其衆十萬、安置地寶奴
於琉球、而脫吉思與其太子天寶奴、及知院捏怯來、國公
老撒丕相失烈門、數十騎、往依也速失兒見、弑部、落潰散、
捏怯來、老撒失烈門等、來降、國中、立坤帖木兒爲可汗、是
時、不復知有帝號矣、二十年、爾納失里、君和林西、命來
降太子八郎、鎮撫渾都帖木兒、往招之、不至、已而八郎、
國公友德、從燕王出古北口、襲迤都山、大破之、太尉乃兒
不花、丞相咬某、來降、復破兀納失里於和林、詔諸王

防捕鹵。建文二年，鹵國公趙脫列于司徒趙仄隣帖木兒。司徒劉哈喇帖木兒咸率衆來降。煥王馳諭可汗，并諭兀刺王猛帖木兒。三年，可汗坤帖木兒歸款，旋寇鐵嶺，無何見弑於其下。而鬼力赤代為可汗。鬼力赤非元裔也。衆不附。永樂元年，以金幣四諭通好，亦勅其太師右丞相馬兒哈咱、太傅左丞相也孫台、太保知院阿魯台等，而阿魯台擅國稱雄。持猛哥擁其衆於元刺。自王不奉命，鬼力赤遂與兀刺馬哈木戰，大敗，移營臚朐河。兩來入貢。上諭阿魯台及元嫡系和雅失里，使與鬼力赤異。於是阿魯台果殺鬼力赤，而立本雅失里為可汗。七年，遣給事中郭驥使本雅失

里哈等為順寧王
六年為其子孫
九年為其子孫

里見殺上大怒遂封兀剌三箇馬哈木等皆為王撫之
國公丘福督十萬騎出討敗績臚胸河全軍沒明年上親
征部五十萬衆抵斡難河元太祖始興地也本雅失里敗
走阿魯台以其衆竄山谷請降貢馬詔撫納之君臣始各
部而居十年兀剌順寧王馬哈木棄本雅失里弱以兵威
之而立其族子答里巴為可汗阿魯台請為故主復仇上
不許嘉其義封阿魯台為和寧王兀剌貢使遂不至十二
年上復親征馬哈木敗之土剌河馬哈木遁去阿魯台使
其大酋咸來朝會賜米肉酒糗綵幣有差明年兀剌復請
降貢馬謝罪未幾馬哈木死封其子脫歡為順寧王而阿

魯台志、遂叛、寇寧夏、復寇興和、殺守將王煥、二十年、詔英
國公張輔、六師親征、至殺胡原、窮迹濶灣海、不見隻齒、以
元良哈、常為鹵黨、還兵敗之、於屈列兒沙頗斬獲已謀報
阿魯台復入寇、又以寧陽侯陳懋為先鋒、出師沙城、時阿
魯台為脫歡所敗、先已遁去、王師至宿崑山、降王子也先土干
數千人而歸、賜姓名金忠、封為忠勇王、明年、金忠請窮討阿魯
台、上復親征而忠為先鋒、至搭蘭納兒河、狹望皆大漠、作勅諭
○師還榆木川、帝親宣德初、勅瓦剌賢王子捏烈忽爾王、阿魯台
叛送不常、已渡東錢元良哈、往救遼東、海為脫歡所敗、入貢者難
九年、脫歡擊阿魯台、悉收其部落、時答里已微、不知所終、脫歡欲

自立為可汗、而衆不許、乃行。米元復說、不若王之、再從阿魯台之
衆居沙漠北。哈喇噴等部俱服屬焉、而身居凡刺和故、戰盜邊
止。統三年、兵部尚書馬麟敗阿台朵兒只伯、多斬獲。十三年、宣帝
怒其猖獗、破阿台封邑平伯。十四年、脫歡子也先胡為太師、大入敗
上親征師還、土木蒙塵、踰年返駕、事在也先傳也。先既自立為可汗、尋
被殺、諸部分散、而小王子立。或曰元裔也。時字來癘、王子最雄。天順二年、
大舉寇陝西、詔漫邊鎮巡撫禦之。復敗大同、直隸、雁門、忻代、入
宣府、寇河西、過河大掠、關隴震動。詔懷寧伯孫鏜出禦、會
曹欽反、闕下不果行。已而小王子為字來所弑、於是諸酋
毛里孩、阿羅出、太師猛可與字來相仇殺、立脫思為可汗。

脫思者故小王子從兄也。時毛里孩、阿羅出及孛羅忽、拉
闌入河套，互爭水草，而乜加思蘭者，向居哈密北山，黨於
孛羅忽，殺阿羅出，併其衆，而結元軍滿魯都入套，屢為邊患。
事在河套傳。成化中，滿魯都遂自稱可汗，以乜加思蘭為
太師，已而殺乜加思蘭，併其衆，而榆林、寧夏、宣府、大同、開
原一帶，迄無寧歲。蓋先後經理諸邊者，自成化以來，為寧
遠伯任禮、武靖伯趙武、新寧伯譚祐、撫寧侯朱永、總兵劉
聚、都御史余子俊、侍郎何喬新、御史項忠，而尚書王越及
都御史馬文升，多有斬馘。未幾，滿魯都衰弱，不知所終。而
把秃猛可王南中，其太師亦思馬因，知院脫羅干，屢遣人

貢。把克猛可死，其弟伯顏猛可嗣立。初，恐權移大臣，不復設太師官。復入貢。時馬文升在兵部，而許進以都御史巡撫大同。戎事脩明，十王子及兀剌二遺種頗震，進威名亦各入貢。弘治中，鹵火節強，與諸部落連年入寇陝西、大同、宣府、寧夏、榆林等處。上以太監苗達力請，銳意討鹵，總制劉大夏力言不可，遂止。火節小王子部酋也，跋扈與小王子爭雄長。初，小王子死，有三子長阿爾倫立，次阿著，次滿官。嗔而大師亦不刺，擅殺阿爾倫，遷入河西。海之有鹵，自亦不刺始也。攻破西寧安定王族，奪其印誥，諸番散亡，據有其地。未幾，復稱臣於小王子。正德中，阿爾倫二子長

卜赤次也明皆幼弟阿著称小王子未幾死衆立卜赤称
 亦克罕勢與瓦剌並強亦克罕大營五衆可五萬人卜赤
 居中屯牧五營環衛之又東有岡留罕哈爾慎三部岡留
 營三其酋滿會王罕哈營三其酋猛可不郎爾填營一其
 酋可都留三部衆可六萬人居沙漠東偏與系類為鄰西
 有應紹不阿爾禿斯滿官嗔三部應紹不營十初属亦不
 剌亦不剌遁西海遂多潰散惟哈喇嗔一營僅存阿爾禿
 斯營七故亦從亦不剌後歸吉囊合為四營衆可七萬人滿官
 嗔營八故属火篩後歸俺答合為六營衆可四萬人吉囊
 俺答阿著子也諸種皆称小王子而二酋獨強南有哈喇

噶哈連二部。哈喇噶營一。苗把莽奈衆。可三萬人。哈連營一。苗失刺台吉衆。可二萬人。居宣府大同塞外。北有兀良罕營一。故小王子北部也。因隙叛去。遂相仇殺。時小王子雖為君長。而諸部不相攝。又西為九刺。可五萬人。世與土魯番為仇。諸國雖連水草。遷徙不定。然營部皆有分地。不相亂。時有別種黃毛者。獐狎。常乘國深入。輒從後掠。國苦之。後國併有黃毛。益無內顧。正德四年。入花馬池。殺總制尚書才寬。十年。朵顏通小王子。入馬蘭谷。殺參將陳乾。嘉靖中。相繼經理邊者。尚書楊一清。王憲。胡世寧。侍郎王廷相。總督王瓚。翁萬達。憲常禦邊。斬首三百。而瓚脩邊牆。據

要害。後人賴之。爾自俺答吉囊先後入套、大掠西安、鳳翔、連歲入犯、寧榆、宣大等處。十二年、侵鎮遠、關、守將王効破斬級百四十。明年、大同軍叛、歸、爾者數千人、常為導。吉囊入榆林、大掠去。總督唐龍上捷書、陞賞有差。十四年、吉囊一再入榆林、總兵梁震擊敗之。十八年、上巡承天、爾入宣府、參將賈英陷、爾伏、殘千人、益深入、殺掠人畜萬計。時爾酋青台吉、哈刺台吉、那林台吉、皆屯牧塞外、不去。梁震卒、家丁數千、素悍勇善戰、妻上尺籍一百人、餘皆降。爾常為導、殺榆林守將宋隆、焚掠長驅出、總兵周文以捷告。己哈刺、噶、糾俺答、几祿、吉囊等、復入宣府、大掠、逆至蔚州、總

兵白壽等連敗，尋又入大同西路，抵雁門，度軍武殺掠人畜數十萬。大同軍至，與鹵約，勿掠我人畜，縱若去。且邀買路錢，鹵以是出入如無人。總制尚書劉天和、倖鹵出安邊塞，邊塞去，冒稱大捷，詭云卒張奴兒殺吉囊子，詔加爵敘，賔有差。奴兒授世指揮，僉事二十年。吉囊先入大同，副總兵丁瞭遊擊同力戰死，遂薄山西省城。又越而南，殺掠人畜萬，吉囊甫出，俺荅復入，又越太原而南，殘益甚。時吉囊病死，其子拔不孩居套中，小王子不及兒台吉，駐威寧海上。俺荅復糾數酋，經朔州，破雁門，越太原，列營汾河東西，散掠十衛，三十八州縣，殺鹵二十餘萬人，總兵張達副。

總兵林椿死。之自是連年入寇。總制侍郎曾銑遂上復套議。族仇鸞之奸。鸞被逮。尋坐銑結交近侍律死西市。而鸞得釋。二十九年。俺荅入漁陽塞。突犯京城。焚劫至德勝西直門。窺八陵。掠散場旬日。而諸路援兵至。莫敢發。一矢尾之。出獲病稚八千餘。以捷聞。咸寧侯鸞以為功。議開馬市。久之。鸞敗。酋復入遼東。再殺總兵岳懋。殷尚質益犯邊。隆慶中。俺荅孫把漢那吉其母都於俺荅來歸。總督王崇古留之。俺荅悔就款。還叛人。通貢市。封俺荅順義王。加崇古少保。兵部尚書。廢錦衣千戶。萬曆初。首輔居正知兵。科邊事如指掌。紅力寨之捷。斬首一千一百有奇。善養木屯之

提八百八十有奇。李成梁居遼。威權先鎮薊。遼號威寧。已
擊土蠻於遼河。劈山斬首四百三十有奇。自是俺荅之子
若孫。有黃吉有吉能。有哈酋安克吉。其納叛者。則曰板升。
居正計離之以弱其勢。每諭順義王。毋聽流言。毋用叛賊
丘昌之子。初。園犯清河。王果誘殺我裨將裴承祖等。于是
善遇王台。致王果於關下。已而俺荅一再為瓦剌所敗。俺
荅死。而安克吉殘遼。居正以為黃酋宜踵立。諭令止之。會
俺荅弟昆都力哈將東結土蠻為亂。居正使人縱流言。昆
都與中朝約。將有事土蠻。土蠻疑謀。解。又黃酋將東併諸部。居
正計翼俺荅弟老把都之子。青把都。以抗黃酋。使之而敝。

厲彘長昂三貢不入。即令青苗諭之。威福為補貢。久之。苗
火落赤與套爾吉能等。要犯邊。參將杜松。每擊。傷有功。陞
總兵。守延綏。自是天苗雷鉄及沙忽兒等。大入邊。每不利。
去。火落赤大敗於明水池。有臂痛痺。不能戰。已而苗沙計
等七台吉。寇高家堡。松與其子指揮僉事文煒。間搗其巢。
還截歸路。大獲勝。斬其帥端大以下六十六級。四十二年。
火落赤及吉能沙計等。大寇延綏。圍大柘油堡。副將孫弘
謨見殺。松兄子文煥。以都督僉事。禦却之。爾間松名。每戰
皆北。而柳門之捷尤奇。火落赤遠徙。天啓元年。陝撫呂
兆熊敗爾富。火苗於洪水。歸德間。五戰皆捷。明年。復敗之。

三服井後亦不振、

論曰。黷。黷。之。不。忘。慕。以。南。也。以。大。義。分。內。外。以。私。情。則。子。孫。之。求。漫。其。祖。緒。事。或。有。名。故。不。以。夷。於。諸。徼。逸。運。外。臣。之。所。以。設。也。雖。世。見。跋。扈。而。訖。貢。市。不。衰。則。二。祖。之。威。靈。所。警。服。者。遠。矣。顧。明。之。末。禩。却。利。其。強。而。不。利。其。弱。夫。即。不。他。效。而。無。為。我。將。助。致。使。中。朝。誤。恃。而。失。之。或。曰。元。肇。初。猶。襲。文。物。故。事。自。是。積。久。而。不。振。然。乎。否。乎。

擴廓帖木兒

擴廓帖木兒者、潁州沈丘人也、別名王保子、少育於舅察
罕帖木兒、因以為子、察罕故元別部、後至正間、盜四起、與
羅山民李思齊結鄉里豪傑、前擊賊有功、部下且數萬人、
轉戰至關中、勢大振、援商州、敗宋李武、崔德、進陝西、行省
右丞連敗賊於冀寧路及壺關、復興元、鳳翔、走白不信、大
刀敖等、戊戌、復涇州、平涼、移兵守鞏昌、別部賽因赤復晉
寧、走王士誠、遣關保擊寇於高平、大敗之、還守洛陽、元進
行省、平章政事得便宜進止、己亥、大發諸道兵討劉福通、
圍汴梁、三月下之、庚子、元詔平章孛羅帖木兒守冀寧、守

者疑不納。字羅遂以兵圍城。察罕救之。敗其兵。自是與字
羅惡。相攻。辛丑。悉部鐵騎。凡數十萬。討山東諸賊。諸郡次
第下。降田豐。王士誠等。明年。夏。白氣起。危宿掃。太微垣占
失。良將察罕攻益都。十餘月。且下。而豐士誠者。陰通賊。誘
察罕至營。勞軍。刺殺之。詔贈察罕忠襄王。謚獻武。事在元
史。詔以擴廓帖木兒。中書平章政事。知河南山東行樞密
院事。代將父兵。擴廓既已降。大痛憤。享士。日夜督攻城拔
之。獲豐士誠。剖其心。以祭察罕。齊地平。癸卯。字羅將竹貞
據有陝西。擴廓遣額高。合李思齊夾攻之。竹貞降。字羅復
掠冀寧。則身逆戰。逐北。獲其將烏馬兒。殺與祖甲辰。字羅

犯關。皇太子走。擴廓遣閔保等十餘萬騎討之。下大同。而
李羅為其下所殺。詔封河南王。總制閔陝晉冀山東遼西
諸郡。先是。李羅死。皇太子還京。欲遂因擴廓兵威。扶廢上
自立。擴廓微知其意。至京。可二十里外。勅吏士散就州縣。
示不足恃。以後事。謀見紀傳中。

論曰。察罕父子知兵。初困于李羅。繼勞於福通。元未
嘗不任。未嘗不專。而一木不支。與明決。則強弩末
殺矣。擴廓究不以妹故。二其主貞哉。嗟乎。李思齊可為也。
而不為。

无刺也先

也先者、无刺順寧王馬哈木之孫也。時鹵中鬼力赤為可汗、
強酋猛哥帖木兒、據无刺自大。及本雅失里為阿魯台所
立、代鬼力赤、殺我朝使。上乃封无刺馬哈木為順寧王。大
平為賢義王。把秃孛羅為安樂王。予勅印以問鹵。已親征
敗本雅失里、遁去。而馬哈木因而滅之。遂與阿魯台隙。互
叛服不常。馬哈木死、子脫歡嗣立。併有大平孛羅之衆。每
敗逐阿魯台。尋擊殺之。立脱、不花以塞衆望。以故可汗
弱。遠居漠北。而知院阿剌與脱歡尚屯牧无刺。阿剌衆大
不歡。脱歡時阿魯台子阿卜只俺來歸。詔以為中軍左都

督。脫歡益與仇殺不解。正統八年，脫歡死，子也先強盛，以其姊妻可汗，而身為太師，性鷙鷙，嘗來通貢，語使者：「吾有子，將請婚南朝，使者為謾語，悅也。」先南朝已首肯之矣，遂貢馬，自以為聘禮，而答詔不及和親事。大志十四年，入寇大同，宣府諸城堡皆被殘，詔駙馬都尉柳升率四將軍出討之，大敗，四萬騎無一還者。太監王振懼上，勇上親征，廷臣力諫不聽，遂命郕王居守，而英國公張輔、成國公朱勇、帥師從。戶部尚書王佐、兵部尚書鄒野菴扈行，官軍餓死五十餘萬人。八月，出居庸，至大同，由故道避，誘我深入，大同太監郭敬知鹵情，力阻振，始懼，議班師，而鹵突至，前

鋒勇、大敗、雖見、萬、騎、盡、沒、勇、死、之、也、先、遂、乘、勝、逼、上、
土、木、去、懷、來、二、十、里、上、欲、趨、保、懷、來、而、振、預、私、重、千、餘、輛、
不、進、遂、駐、土、木、地、無、水、當、衝、鹵、故、遣、使、議、和、方、草、杪、去、鹵、
輟、乘、我、師、大、潰、張、輔、曹、勇、等、死、之、振、亦、為、亂、兵、所、殺、上、
乘、馬、不、得、出、鹵、擁、以、去、是、日、雷、震、也、先、馬、死、也、先、心、動、迹、
上、御、帳、上、嘗、有、瑞、氣、不、敢、難、上、手、書、懷、來、守、將、索、金、幣、京、
師、犒、鹵、太、后、倉、卒、出、珠、寶、八、駟、馳、也、先、營、請、還、駕、不、報、時、
邲、王、已、攝、位、鹵、挟、上、至、大、同、城、門、閉、校、尉、袁、彬、以、頭、觸、門、
大、呼、於、是、廣、寧、伯、劉、安、給、事、中、孫、祥、知、府、霍、瑄、總、城、出、戰、
蟒、袍、一、箇、上、以、賜、知、院、伯、顏、帖、木、兒、及、也、先、弟、大、同、賽、罕、

二王因微語安等、鹵欲歸我。情偽難測、宜嚴為備。安還括
城中白金二萬、付袁彬、鹵受之。笑不應。時城中計邀上至
石佛寺、募以歸。上以危道不可、鹵擁上至黑松林也。先營
也。先拜稽首、侍坐。出要妻。珠緋覆面、垂肩。盃酪孟肉。粗塊
長、噉為胡舞以樂。上已居上伯顏帖木兒營去也。先二十
里為上進供饌甚恭。時袁彬與哈銘周旋上。自有傳。九月、
邨王即真。遙尊上為太上皇。鹵乃遣使詣京、請歸上皇蹕。
詞謾。答詔大率曰、中國已立皇帝。士馬雄勝。絕不及迎。駕
語十月也。先挾上皇過大同。大同守將郭登計設交床於
月城內。迎上皇坐。伏謁。輒下問。拒鹵上皇不可。曰、只憑天

理去。遂彌紫荆。殺指揮韓清。副都御史孫祥走死。鹵深入
薄京師。以送上皇為名。時兵部尚書于謙督軍城守。堅遣
通政司叅議王復為禮部侍郎。中書舍人趙榮為鴻臚寺
卿。持勅也先營犒羊酒。鹵以二使者秩卑不為禮。上皇諭復
等急歸。鹵乃四掠焚三陵殿寢祭器。謙督諸軍力戰。德勝
門殺其酋鐵頭元帥。而石亨大捷彰義門。孫鏗王通內外
夾擊。鹵勢稍沮。出關去。遣都督楊洪擊鹵之未遁者。破之
於固原。鹵復使人索大臣迎駕。景泰元年正月朔。上皇以
少牢祭天。親為祝辭致禱。行十六拜。祀是月。鹵犯大同。總
兵郭登指揮許貴再擊敗之。自是分寇偏頭關及寧夏宣

雁門入河曲圍代州。已知院阿剌復請和尚于謙不許。善謝之內侍喜寧者故胡人從上皇北狩時。導鹵質上皇居奇入冠。上皇恨之。令素彬陰刺木為字。藏軍士高磐試金一曰。解間與喜寧俱。伴為索春衣於宣府。守將楊俊得書。引喜寧飲城下。磐抱寧大呼。後從兵前構之。送京師伏法。月也先及阿剌復移書。促迎上皇。禮部侍郎李憲等奉勅書三。可汗一也。先及阿剌各一。亦絕不及迎駕也。先乃語實。必歸上皇。遣其右丞相把禿同實還報。而副都御史楊善已先奉命使可汗。八月之翌日。上皇還京師。居南內。事在于謙。李憲。楊善傳。是時也。先兵威益震。可汗上

每○兩○諭○以○閒○之○會○可○汗○不○以○也○先○姊○子○為○太○子○以○別○子○為○
太○子○也○先○怒○攻○之○可○汗○以○數○十○騎○遁○去○也○先○盡○收○其○妻○妻○
太○子○人○畜○來○奏○捷○尚○書○譙○等○議○乘○時○出○討○復○前○仇○上○不○許○
也○先○願○以○通○好○益○驕○乞○請○非○分○東○結○朵○顏○西○交○哈○密○往○往○
窺○塞○而○每○貢○使○至○三○千○人○旁○弓○殿○掠○至○欲○騎○入○長○安○門○賜○
宴○禮○部○嘗○陞○正○副○使○二○十○二○人○都○督○都○指○揮○十○人○等○官○賞○
金○銀○犀○帶○九○段○花○金○帶○九○素○金○帶○三○花○銀○帶○一○其○餘○賞○織○
金○綵○衣○紵○絲○二○萬○六○千○四○百○有○奇○絹○九○萬○有○奇○衣○靴○帽○萬○
則○歲○至○七○月○也○先○攻○敗○可○汗○脫○不○花○可○汗○窮○奔○兀○良○哈○
不○丹○沙○不○丹○懼○殺○脫○不○花○也○先○遂○自○立○為○可○汗○遣○

使書稱大元田盛大可汗田盛華言天聖也。未書添元元。
本廷議答書。科臣林聰德正請勅以吉。凶順逆之道。安遠侯。
柳溥謂宜仍稱瓦剌太師。而廷議以瓦剌可汗聞。郎中章。
綸不可謂也。先。弒主。僭稱名。寔大舛。若因而稱之。彼必以。
中國天子。亦呼我為可汗。誇示群酋。群酋畏服。益窺中原。
禮。從其議。稱為瓦剌王也。先以初立。頗通好貢。
市。不輟。天順中也。先荒於酒色。頗殘諸部。不悅。有平章哈。
喇者。欲繼也。先為太師。作隱語曰。主人衣新衣。幸以故衣。
賜臣時也。先弟阿失帖木兒。且為太師。遂不許。哈喇怒。欲叛。
也。先也。先微知之。佯飲哈喇子酒。置鴆。哈喇子出。嘔。不能。

歸○囁○指○染○箭○告○其○父○哈○刺○故○為○不○知○也○蓋○曲○事○也○先○也○先○
亦○以○哈○刺○子○不○死○忘○之○哈○刺○遂○伏○衆○伺○也○先○出○獵○龍○表○也○先○
也○先○倉○皇○從○數○十○騎○遁○既○而○起○數○十○騎○或○通○哈○刺○夜○半○與○
一○親○信○復○來○去○道○中○飢○乞○漿○婦○人○已○婦○人○夫○婦○言○狀○夫○曰○
必○也○先○也○追○殺○之○諸○子○分○部○北○邊○其○在○西○者○為○套○鹵○犯○陝○
西○諸○鎮○在○北○者○犯○宣○大○山○西○叛○服○不○常○世○次○莫○得○而○考○矣○
論○曰○土○木○之○役○在○中○朝○以○美○為○恥○矯○徹○欽○前○故○有○徹○權○焉○
乃○也○先○頗○好○名○寔○懷○廣○畧○計○因○中○國○之○好○自○大○以○自○為○
兼○併○計○寔○以○薦○窺○大○都○夢○寐○誠○未○然○也○雖○然○貢○使○毆○掠○
亦○猶○之○宋○人○幣○矣○幸○有○三○脫○了○

好克父亦偶然

罪惟錄列傳卷之三十六

外國列傳總論

勝國外。凡諸彛真以不治之先之詔諭。間有聞者。不問即安南篡殺相仍。日本詐譎不道。不過去。令中書絕之。祖訓有曰。東南諸夷。限隔山水。後世不煩動衆。乃再傳而輒違祖訓。鄭和之遣。既已勤遠。又復縱內侍專征。有二失焉。交南之後。摧殘已甚。既而坐棄之。遂使後世有狹小前人之恨。則不如初之忘之。益以成其大也。且奴兒干都司之設。亦自成祖。我不有彼。不知而後彼之忤。必問也。問我而。可有

禍之倚福恩之為仇。則明之再傳已兆二百十年之
後。豈人能為之哉。果如祖訓。雖非東南亦專主守。不輕動
衆。脩文德一語以教百世有餘矣。我曰通真。早知通真故
事。祇有言。路。地。五。市。長。役。貿。易。訖。忘。可以。長。便。夫。利。之。所
在。人。必。爭。之。我。操。定。制。以。額。之。必。長。必。利。乃。傳。百。世。蓋。商
。而。為。致。情。勞。然。也。但。須。監。督。得。其。人。可。以。無

外國列傳

朝鮮國

朝鮮周箕子所封國也。其國南濱海、北隣女直、西北至鴨綠江、東西二千、里、南北四千里、分八道、曰京畿、曰忠清、曰慶尚、曰全羅、曰黃海、曰江原、曰平安、曰咸境、設官舉士、畧倣中國俗、柔謹、知文字、崇釋尚鬼、惡殺、戴折風巾、服大袖衫、以蹲踞為恭、飲食用俎豆、官吏嫻威儀、常有女戲、作蠻聲、宴朝使、居皆茅茨、衣多麻苧、以田制俸、以秬醢酒、為堂、未婚者、多處之、習射、歲以季秋享、法無苛條、其敗常犯、賊及再嫁、書名三司子孫、不齒、人首無

枕骨背扁側產白砥紙狼尾筆果下馬長尾鷄貂納初箕
子胥餘既陳洪範避地于此從之者五千人周因封之後
燕自立為王朝鮮侯亦自王以兵遂擊燕秦為遼東外徼
漢初為燕人衛滿所據滿攻王準亡亡入韓滿遂自王朝
鮮蓋箕子傳世四十餘乃失國武帝取為真番臨屯樂浪
玄菟四郡漢末為公孫氏所據魏滅公孫晉并于高句麗
高句麗本扶餘別種王高連居平壤即樂浪己而東徙鴨綠
江東南十餘里隋封其六世孫為王煬帝征之不克唐嘗
州縣其地置安東都護府後唐王建代高氏并有新羅百
濟又徙東松岳以平壤為西京子孫遣使朝貢宋時或奉

契丹獻黃帝臙經。請禦歷代史及冊府元龜等書。禮部尚書蘇軾疏却之。元太祖時既平契丹。使上之高麗索國贖。王瞰敵國贖使者返。被賊鴨綠江。于是疑絕不通。元者六載。元太宗時使撒札塔往征之。王力竭請和。元置京府縣以達魯花赤七十二人監之。會班師。瞰乃盡殺元所置達魯花赤。于是高麗苦元兵無寧歲。至于棄松京。避都江華。元虜高麗男女亡慮二十餘萬。殺戮不可勝計。卒盡壞江華內外城。憲宗崩。世祖方南攻宋。世子俱來與俱。至開平而瞰卒。乃命俱歸為王。洪武三年。王顥表賀。即位遣符寶郎俾斯報賜。封顥為高麗國王。二年。王言有姪女遭陷軍。

中帝使中官訪得護送還國。賜書諭以持危保國之道。奉
佛求福之非。并賜四書六經通鑑漢書。五年。安置歸德侯
陳理。歸義侯明昇于高麗王。顯請遣子弟入太學。表稱耽
羅國多留蒙古人。恐為亂。宜詰治。不許六年貢馬。道亡其
二。以上東宮者。足之上。以人臣私交。非春秋之義。其上東
宮者。却勿受。賜璽書。自後母以浮詐人為使。許貢士赴京
師會試。賜金濟第。尋以不通華言。送歸。八年。諭安南高麗
占城。每三年一朝貢土物。產布十疋足矣。其王左則世見
十六年來貢。以違命却之。明年。諭守臣絕高麗。十八年。王
顯為權相。李仁人所弑。顯無子。其寵臣辛旽之子。禍于

是仁人立禍。明年告哀。貢使義道殺朝使斌。執主事寔。迴王恐誅。義籍其家表告罪。上以其賊朝使。詢王額所以死狀。且諭中書省。責貢金百斤。銀萬兩。馬百疋。細布乙萬疋。所留遼東邊民悉送境上。乃見王之嗣位信而政令行也。仁人惧。明年如數以貢。不敢稱嗣王。曰高麗國王世子禍。而詭云嬖臣洪倫弒額。仁人誅倫立禍也。已乃謚額恭愍。封禍為高麗國王。十九年。請易冠服。不許。二十二年。李仁人初囚禍而立禍子昌為王。遣使張伯崔泊朝貢。是年仁人子成桂復廢昌而立王瑄。主國事。遣使朝貢。又令其子奭入朝。詔位尚書。下尋使上。市高麗馬萬匹。索關人二百。

二十五年成桂囚瑤及與於其私第自稱國王是年知密
直司事趙胖等以其國都評議司奏至奏言恭愍王薨無
嗣他人子禍得立昏暴好殺謀侵遼東大將李成桂力阻
乃已自知負罪遜位子昌國人弗順更立定昌國院君王
瑤上復與禍党玄禹室等潛謀復禍謀害成桂國人奉恭
愍王妃安氏之命退瑤私第念宗親無可嗣者僉以門下
侍郎成桂可主國事謹以聞上令禮部移諭聽其自為聲
教事四隱不問成桂更名旦徙居漢城使上請更國號詔
號朝鮮自王建開國歷四百三十餘年而絕旦復遣使請
印誥上覽表惟旦不遜使者言表係鄭集一云鄭集所撰上盡

却方物、索集旦、惧送集至京、安真雲南、朝鮮國書載旦號
勇善騎射、自恭愍時、已為金吾衛上將軍、東北南上萬戶
威、力俾其主矣、故易祚而國人聽亡何、遼東都指揮謀朝
鮮招引女直五百餘人、潛渡鴨綠江、欲入寇、上遣使勅責
之、旦惧陳謝、尋亦遣子入貢、而高皇帝終以旦為執君之
臣、著祖訓、絕之、建文初、旦老、請以子芳遠襲已、而旦卒、賜
謚康獻、永樂元年、賜芳遠金印、誥命、冕服九章、圭玉佩玉
妃珠翠七冠、霞帔金墜、給象牙犀角、及中國書籍、東南桑
中藥物、二年、上欲廣屯田于遼東、徵牛朝鮮、王進牛萬頭、
每頭酬絹一疋、六年、世子禔來朝、及歸、上製詩送之、是時

朝鮮納女後宮。得為妃嬪者四人。十七年。芳遠老。請以子
祐襲芳遠卒。賜謚恭定。宣德初。賜祐五經四書。性理大全。
通鑑綱目。五年。祐獻海東青。諭以非所好。勿獻。

州夷詐

謝祐尋欲遣子弟入學。不許。

與較會瓦刺。密令女直諸部誘脅朝鮮王祐拒之。白其事。
詔獎答。十年。倭寇朝鮮。來獻俘。景泰元年。祐卒。子珣嗣。珣
卒。賜謚恭順。子弘暉幼。其叔瑒以襲位請。七年。封瑒為王。
天順初。王瑒擅與女直毛憐衛仇殺。廷議遣使責問。以礼
科張寧都督同知武忠往。方閱兵。忠取兩弓並張之。皆折。

仰射鴈應弦落國人大憎服尋遣子入學引咎解兵既而
納建州酋董山叛授山中憲大夫中樞密使上兩詔之皆
不承卒得其所授偽制書示之王珠驚謝成化四年用兵
建州王遣其中樞府知事康純統兵萬餘合攻兀彌府諸
寨斬建州李滿住及其子古納哈等五年珠卒賜謚惠莊
子晄嗣六年晄卒賜謚褒悼晄子病廢其兄子瑛嗣屢出
卒賜謚康靖正德元年子懽立懽病
風無子遜其弟懽嘉靖中懽卒賜謚恭僖子楷立未踰年卒
賜謚崇靖弟垣立二十五年命朝鮮貢楷代席二十六年
許其使臣觀郊壇遊國子監設餼伴以寵之王請更會典

所載宗系自言其國祖李旦係出本國全州二十八世祖
翰仕新羅為司空新羅亡六代孫競休入高麗十三代孫
安社仕元為南京千戶所達魯花赤世其官元李兵興安
社曾孫子春率成桂避地未還至正辛丑當恭愍之十年
有紅巾賊入境成桂擊却之授武班職事成桂寔非仁人
子仁人者京山府吏長庚之裔也願洗祖訓所載弑逆之
繆詔許之三十八年倭犯朝鮮盡殪之獻捷恒卒賜諡恭
憲從子壯嗣萬曆二十年倭巨酋行長清正等分道縱兵
陷豐德諸郡壯倉皇走茂州願內屬詔遣兵部侍郎宗應
昌等濟師復王京當是時八道幾失恃內援前後師臣力

肱得返國時太子久不立肱迎上意自稱次子光海君慧

論曰檀君者相傳堯戊辰歲降神太伯山樹檀下國人
君之至今與箕子並祀平壤箕子傳四十一世至準失
國準入韓地金馬郡自立號韓王前後共祚乙千二百
二十餘年南面最久古無其比其後衛公孫高王李則五
易其姓云其科舉取士與中國同定子午卯酉年初場

試經義論、二場表詰、三場賦策、嘉靖中、使臣任庸臣、係
刑曹僉判、為言、士午以後、狀元姜宗德、沈光彥、鄭希顏、
金忠烈、金希聖、尹鉉、金允鼎、盧守慎、閑時中、僉授亦與
中國相近、大率無鄉試、止有會試云、

日本國

日本古倭奴國、綰波諸、倭奴最大、東高西下、勢若蜻蛉、古亦曰蜻蛉國也、國主世以王為姓、群臣亦世官、地分五畿、七道、三島、又有附庸國百餘、拘邪韓最大、其俗男子冠頭、斷髮、黥面、文身、婦人被髮、屈珎、皆跣足、間用屨、倭王最堆長者居邪馬臺、即邪摩維、歷漢、魏、晉、宋、隋、皆朝貢、稍習華音、唐咸亨初、悉倭名、更號日本、薩摩之鷄哥里其民、倍禮、重為邪、獨伊紀之頭陀僧、三十八百、房、頗羯、獲皆殺而薩摩、肥後、長門、三州之人、最喜入寇、諸州郡統于山口、豐後、出雲、三軍門、三軍門相捕、剽、國分為三、而摠屬山城君

以後豐後獨強國人服之愈于山城君元世祖時以其不
服將兵十萬征之風覆乾海終元世不相通也高皇即位
方國珍張士誠既誅諸豪亡命往亡糾彘入寇洪武二年
使行人楊載論其國王良懷賜之璽書且曰詔書到日臣
則奉表來庭不則脩兵自固惟王圖之王不省復寇邊海
如故上復使萊州同知趙秩責讓之良懷語秩曰昔蒙古
輒小國我使趙良弼休我好語亡未既而兵至也賴天之
靈波濤覆汝使者亦趙姓其後耶秩為言中國大明天子
乃掃清蒙古者秩亦非良弼後王氣沮礼秩遣僧仲猷等
八人随秩奉表称臣而掠如故明年上遣僧祖闡無遠開

諭之。王復入貢而掠如故。乃令德慶、疾廖、永忠造海船。集之時，日本國中有持明者，與良懷爭立，不定。七年來貢，無表文。其臣號征夷將軍者，有私貢上，并却之。移文責王。九年貢有表文，語謾。海責王。十二年來貢，又無表文，乃安置使僧于陝西番寺。十四年，王良懷入貢，乞還安置諸僧。使許之。明年復來貢。於時有林賢之獄，曰：故丞相胡惟庸通日本云。林賢者，以金吾衛指揮，烙倭明州。惟庸陰使人諭賢，送其使出境，則誣指為盜，獲以為功。事覺，惟庸不諱。已，佯奏賢失遠人心。上謫居之倭中。既而惟庸請宥賢，復職。上從之。遂謂惟庸以密書奉日本王，借精銳人為用。王速

僧如瑤等四百人來。又云。燭中藏火藥兵器。四百人者。皆精銳也。時惟庸死三年矣。上乃發四百人者。雲南守禦而遣使責王良懷不恭。王答書謾有云。豈謂中華之有主。馬知彛翟之無君。而終以人發殺机。天地反覆。數成語上怒。復安置其使僧番寺。却其貢。而令礼部尚書責問其國王。答曰。大明礼部尚書致意日本國王。上居滄海之中。不奉上帝之命。肆侮隣邦。繼民為盜。上帝將假手于人。禍有日矣。王之國始號曰倭。後惡其名。改為日本。自漢魏迄唐宋。皆遣使奉貢。每得封爵。若叛服不常。構隙中國。則必受禍。如吳大帝。晉慕容皝。元世祖。皆遣兵征伐。俘獲男女以煇。

千數百年往事可鑒也。王其審之。蓋未常一及密書事。又令禮部與書其征異將軍。但云如瑤陳情飾罪。至尊優容。且云足下畜無徒沙門。忘中國之寬大。構是非于兩端。竟未常一及燭藏火器事。自是著祖訓絕之。仍名之曰倭。而令信國公湯和築登萊至漸沿海五十九城。民丁四調一。以成二十年。置東西防倭衛所。隨遣江夏侯周德興築福建海上十六城。設衛所。築福建漳泉人為兵戍之。歷遣公侯練兵海防。永樂初。詔太監鄭和等率舟師三萬下西洋。日本國王源道義者遣人來貢。并縛敵犯還二十餘人。上即令其使人治之。置甌中。蒸死。明年賜王冠服文綺金銀。

古器書盡。又給勘合百道。令十年一貢。毋過二百人。尋命都御史俞士吉賜王印誥冊封。道義為日本國王。并封其國之山曰壽安鎮國山。親製文勒石以志。道義卒。子源義持立。然亦時來寇邊。王不知也。十五年。遣礼部員外郎呂淵諭王還所掠。王使人謝罪。十七年。倭以數千人分乘二十舟直抵馬雄島。進圍望海碯。都督劉榮發伏出戰。斷其歸路。賊奔入櫻桃園。榮合兵搗之。斬首七百四十二。捕生八百五十七。呂榮至京。封廣寧伯。時指揮同知候端者破賊于金山。端負殊力。能一手挽石投猓。行十餘步。策馬坊門交。手擁楯以足。挾馬懸之。賊入金山。與巷戰。偶一觔墮。

地○所○乘○馬○口○噉○援○端○賊○驚○走○潮○退○膠○賊○十○餘○艘○大○破○之○宣
德○初○來○貢○與○約○舟○毋○過○三○人○無○過○三○百○刀○劍○毋○過○三○十○八
年○源○義○持○卒○賜○吊○祭○十○年○王○遣○使○貢○謝○倭○自○得○我○勘○合○方
物○戎○器○備○載○而○來○遇○官○兵○矯○云○入○貢○上○即○不○如○約○守○臣○幸
無○事○輒○請○俯○順○彞○情○主○客○者○為○畫○可○條○奏○輒○云○後○不○為○例
後○至○亦○復○如○之○我○無○備○即○肆○出○殺○掠○飽○賜○去○宣○德○末○年○海
倭○嚴○貢○稍○如○約○正○統○四○年○寇○大○嵩○入○莒○渚○官○庾○民○舍○並○見
焚○灼○驅○掠○少○壯○發○掘○塚○墓○束○嬰○孩○竿○柱○沃○之○沸○湯○視○其○啼
號○為○笑○梟○捕○孕○婦○忤○男○女○刺○視○之○以○中○舌○為○勝○負○城○野○肅
條○過○者○隕○涕○詔○以○重○師○守○要○地○寇○稍○息○七○年○來○貢○復○寇○如

故成化初寇寧波知我有備矯稱進貢守兵禦之倭立驚
沙中懸燈其上朝赴之則已乘潮去矣成化四年其通事
林從傑等三人隨便臣入貢奏係寧波衛人幼被掠為通
事乞便道省祭從之成化五年來貢通事關宗達教誘詭
稱遭風喪失方物乞給償回國詔許_○究_○主_○使宗達奉化人
曰_○茹_○和_○反_○獲_○族_○其_○原_○籍_○是_○年_○使_○臣_○清_○啓_○奏_○轉_○館_○僕_○焚_○殺_○市
人弘治八年使壽寧來貢正德六年使宋素卿等來貢求
祀孔子儀注不許素卿等故鄭人朱橋變姓名亡入日本
國王源義澄悅之至是與族人朱澄耳目為奸利厚賂關
瑾得賜飛魚服以歸居久之國王為源義植尋不能制諸

島諸島競利則先貢益無專制嘉靖二年其西海道大內
誼興國遣僧宗設入貢居數日素卿設為南海道海川高
國所遣與僧瑞佐全來故事番使至寧波有宴先至者居
上坐素卿後至賄市舶太監先閱其貨坐上坐宗設等不
平攻瑞佐殺之追逐素卿竄慈谿縱火大掠指揮劉錦與
戰死宗設奪舟擄指揮璉去久之鎮巡官乃捕得素卿而
宗設党中林望古多羅等漂入朝鮮界朝鮮國王擒之以
獻俱論死繫獄四年琉球貢使歸使轉諭日本國王捕送
宗設及佐謀倡亂者會琉球使溺水而國王源義晴反附
琉球來使為素卿乞宥并請復修貢獻詔並釋之給事中

夏言乃上言禍起于市舶。禮部請罷市舶者數年。而私舶歲至。不即售。輒賒奸商。久之奸商欺負。不啻千萬。索極則投貴官家。與人候久不得。頗構難。有所賊殺。貴官家輒出危言撼當事者。兵之使去。與人大恨。盤據島中。並海不逞之民。若生計困迫者。輒歸之。時七寇沿海諸郡矣。至有衣冠失職書生。頗為嚮導。于是王忬瘋。徐公鼎。毛臨瘋之徒。皆我華人。金冠龍衮。稱王海島。二十五年。詔以都御史朱軾兼巡漕。福祚嚴勾連主藏禁。犯者戮不赦。上章鐫累。二三貴官家。于是聲勢相倚者。大譁。切直。軾喉言。官詆誣。軾獄。軾憤。仰藥死。而有功海通柯喬都。指揮盧鏜。皆論死。繫。

獄盜益肆先是歛人王直者少任俠好出禁物西洋致富不貲彞人信服之貨至一主直為儉統禁既嚴諸奸商藉是益負倭饒責直上無所出招亡命千人逃入海推許二者為帥引倭結巢衢之双峙港侵淫蚕食統與鎗既連搗敗之許二逸去直收合其餘眾更泊他峙而廣東有海賊陳四明者自為一黨直計殺之叩閔獻捷以求開市官司弗許賜米百石而已直大詬泛米海中益入盜三十一年直主倭人以萬人突入定海關寇溫破黃巖劫餘姚山陰等處詔提督王忭巡視福潮以恭將俞大猷湯克寬為分守明年破其寇溫倭火賊烈港自是潮東西及鎮松淮北

諸郡無不騷害、直更造巨艦、偽稱徽王、部署葉宗滿、徐惟學、陳東等為將領、汪汝賢、王激為腹心、而三十六島之夷皆聽指使、尋攻破昌國衛、犯太倉、反擊官軍、其有失舟者四十人、突至淞江乍浦所、往來平湖海寧境上、殺把總、一指揮、四千戶、百戶七、縣丞一、所傷官兵則數百不止、倭性勇而慧、每戰赤体舞刀前、不復別生死、聞淞亡人、助之者十六七、大率皆狡悍、善設伏、能以寡擊衆、而內地久寧、目不見寇、過輒靡潰、沿海諸郡僅七保、孤城賊往來聚散、如入無人、吳越中村落市井、故稱殷富者、半為丘墟、而柘林、川沙窪二處、陳東寢處之矣、于是改忬為巡撫、出盧鏜以

都指揮、倭福建而克寬以副總兵、提督金山、時倭留內地三月飽去而倭酋蕭顯者失風漂崇明之南沙、方攻圍之而衆益至、克寬捷漂缺、斬酋七十三級、生擒十四、竟坐南沙敗軍職立功、以之蕭顯逸、又明年、忬與克寬等連敗賊于上海之習家墳、大門墩、採陶港等處、斬酋百餘、賊乃北犯通泰、且有漂入青徐之界者、山東遼東大震、已而陷嘉善、犯海寧、襲崇明、掠蘇州松江及崇德、詔以尚書張經提督浙直山東兩廣福建六省、而以李天寵代忬、時叅將俞大猷等、敗賊吳淞及新江橋羅店、而叅將許國、陷伏採陶港、潰溺死者千人、詔逮故應天巡撫屠大山、黜為民國

與叅將李逢時皆論死已而賊犯樂清、黃巖、東陽、永康、分
犯松江、嘉興、秀水及湖州、屠嘉善、縣官棄城走、百戶賴崇
華死之。三十四年、復犯乍浦、海寧、陷崇德、攻德清、殺把總
指揮八人、上切責經、而令工部侍郎趙文華、出祭海、視師、
適回州土官岑猛妻瓦氏、東蘭等州土官韋世用等、浪兵
至、稍有斬獲、文華遂以賊易辦、促戰、連敗、乃劾經、而屬所
善御史胡宗憲能、是時徐惟學死、其子海、益以倭合陳東
之衆、至數萬、宗憲行兵、頗能濟、以權術、賊至嘉興、則使人
載酒、見賊、佯棄去、亦皆下、鵠賣酒家、賊往、醉不起、總督
經連敗之于川沙窪、石塘灣、王江泾、擒斬首千九百八十

有奇。自倭難以來，為第一捷。然効經疏已行，而文華引為已捷。經竟坐死西市。詔以應天巡撫周玘代經，則倭犯常熟，上虞會稽西歷杭之于潛，昌化至于殺縣令及鄉宦極慘。文華無以自解，復陰言玘病。天寵酒酒坐為民詔，以揚宣代玘。宗憲代天寵，賊有從紹興高阜奔突，至竄歙流劫績溪徑南陵無阻者。賊中有能以手接箭擲地無害。逼太平官兵敗之。趨南京，賊酋紅衣黃蓋者騎而犯太安德門。越秣陵關，信宿溧水縣。趨宜興武進，一日夜抵無錫。蘇松巡撫曹邦輔大捷楊橋，殲之。蓋高阜賊始六十七人而已。而行數千里，流劫數郡，入二縣，殺一御史，一縣丞，二指揮。

二把總被戮四五十人。歷八十餘日始戢。于是宗憲合邦
輔。漸直兵七道會勦。陶宅倭大敗。失千二百人。而邦輔別
捷游墅。文華乃忌邦輔論劾。謂避難而就易。詔戴罪自効。
時指揮王沛捷。礮門叅將盧鏜。生得真倭八十餘人。斬首
三十八。而倭益至。且犯福建之莆田。鎮海鎮東等衛千戶
丘環指揮童乾震死之。久之。賊有焚巢出海者。追擊之南
勝老鶴嘴。復大敗之。于嘉定高橋。時文華謾語。歸朝矣。蓋
賊先後至。皆王直所遣。將兵者初不知之也。宗憲獨收直
母妻及子寄獄。至是出而善待之。諭生員蔣洲。陳可願。召
為。移諭固王者。出伺直計。招之。至是見直于五島。直騎從

揮霍也。曲誘直，上頗以待其家人厚，欲降而阻于其下。葉宗滿等直有姬少華者，金陵倡也，故與善。歌少年沈郎，雁時沈郎亦竄島中，聞少華歌，竊聽之。少華見沈郎相目，決時陰幸直敗，冀與沈郎歸也。間語直君謂海中王，沉上可百年哉。直心動，遂留洲為質，而令宗滿及義子王激等隨可願入報計，殺賊自贖，求開市通貢，詔許之。而徐海方擁薩洲彞來也。一由定海入，一由松江入，一由海門入，各數千人，而身擁萬人逼乍浦。時宗憲已代楊宜，而邦輔被逮，倭陷慈谿，劫金山，殺千戶二人于江中。將軍宗禮敗賊崇德之三里橋，斬首九百，會橋陷，禮與鎮撫何衛死之。時直

部毛烈果反。向擊海宗憲縱金使烈招海上解桐鄉之圍。海轉說東。疑未決。會吳淞賊萬餘西蹂。宗憲喘海金帛共擊吳淞。勝之。俞大猷遮擊斬首千五百級。海心果附。獨其書記葉麻心異。宗憲又使間海縛麻以歸。而東終未下也。海有兩侍女翠翹綠珠。最暱。宗憲陰使持簪珥璣翠悅之。日夜說海縛東。又令葉麻偽書與東。使反兵殺海而故泄之。海上益感宗憲。東者薩摩王弟。帳下書記也。部最強。會文華復以總督尚書出視師。則佯欲擊海者。宗憲為力解之。使縛東以獻。于是宗憲勸海厚賄薩麻王弟。乞東代為書記。東果之。海所。海以上之軍門。復以其眾擊諸倭。

有功。然海意尚猶豫。未即至。請于宗憲。得自舍便地。宗憲
使海居沈家東莊。而以西莊居東餘党。中綰河為塹。于是
詐為書遺東餘党。曰。海將盡汝等。以悅官兵。東党怒。伏邏
卒伺海。疑挾兩侍女。將間道投詣軍門。而為東党所截。
海中稍亂。而宗憲所密召永順諸兵亦至。烈焰焚東莊。
斬首千餘級。鹵面黑。自死者三百餘。蓋宗憲所遺海米。
有毒。為所中也。得兩侍女。問海所在。女指河沉處。遂起海。
斬其首以歸。則飲至轅門。令翠翹行酒。翠翹歌宛轉。悲怨。
諸將吏皆憐之。宗憲曰。是說海二東者哉。令再嫁一箇。翠
翹悲曰。去一箇。又辜一箇。妾不能為。投錢塘江死。而先時

寇自黃浦七丫出海者。俞大猷敗之。自仙遊起彭溪鎮者。盧鏜敗之。分掠海門者。把總張成敗之。流入常鎮者。提兵徐珏敗之。惟定海舟山倭據險結巢最堅。宗憲合大猷率川貴兵九百人。乘雪焚破之。江南倭盡矣。詔加文華少保。宗憲右都御史。三十六年。倭犯江北諸州縣者。副使于德昌。叅將劉顯大敗之。賊盡駕舟投洋去。時蔣洲留王直者。久得還諭諸島。倭酋德陽附舟表貢。而宗滿激等入報宗憲者。宗憲待之如布衣交。則陰語直曰。胡公忠信可記也。直乃與洲來。尚嚴衛岑港。不即入。宗憲縱激歸。直令激再到。宗憲與連寢。飲大醉。齣。寐。凡諸前後請戰。盡十餘通悉。

寘之几上。夜作竊語曰：吾欲生若，故不就。奈何激聞竊語。又竊見諸戰書皆不行，則深喜，使其子澄嚙指血寓書于直，而決之。直乃歸。宗憲少華者，私出寶玉賂客，効直書散其帳下諸健兒，遂與沈即亡去。宗憲益好慰直，令繫獄待命。時江南沟上言：宗憲大得彝金，且活直。宗憲惧，遂易疏，唯上裁詔。泉示直，宗滿汝賢發成，適如宗憲太子太保。叙子錦衣千戶，餘迂賞有差，而毛烈者聞直不果赦，怒與諸彝奮殺夏正，焚舟山觀，以德陽去。竄入閩，首尾巢閩中者七八歲，連犯吳越，所破滅城十餘，掠子女財帛不可勝計。官吏軍民戰及俘死不下數十萬，轉漕軍食，橫賞賜，乾

沒入索中者費以巨萬而福建巡撫都御史阮鶚至以庫銀數萬絹數百遺舟六買之去而毛烈竟移衆南澳山造屋而居無所不侵竄至流劫湖州大率掠行人索贖至四十二年副總兵戚繼光與總兵劉顯俞大猷來攻閩中倭大破之平海衛斬首二千二百餘級墮崖溺水死者亡算縱所掠男女二千餘人繼光復追斬賊千餘級報効副總兵湯克寬復擒斬二千餘級至四十四年連敗之通州及三沙倭寇絕及至萬曆二十年閩白平秀吉起人奴雄六十六州窺朝鮮釜山與日本馬島對峙往來互市通婚媾締遣巨酋行長請而義智與伏僧蘓玄宗逸等疾渡破慶

尚道掠開城、分陷豐德、執王太、逼金山、復據平安、走王李
昫于義州、八道几盡沒、詔以侍郎宋應昌為遼東經畧、而
李松為征東提督、樞臣石星募得遊客沈惟敬、與游擊啣
入倭行間、歸云行長願退平壤、以西、畫大同江為界、提督
松不聽、進師平壤、大捷、倭酋宗逸、平秀忠、平鎮信、死于火。
叅將查大受等復捷江南、李如柏奪開城、前後得級乙千
八百、四道復王昫、歸平壤、提督松輕進、逼王京、敗績、碧蹄
館、退保開城、詔劉綎、陳璘、水陸濟師、助援、叅將大受復盡
焚倭龍山倉、倭乏食、監軍職方司袁黃請用、惟敬議、歛而
封貢之說起、令游擊周弘謨、全惟敬、性諭倭、果棄王京、遁

築屯釜山為長火計王昭遠王京益多防戍于是沈惟敏以倭酋小西飛入朝就款而倭復犯咸安晉州逼全羅提督少令扼南原咽喉而分守南陽陝州科臣張輔言倭無故請款勿墮其計宜專勅局遼鎮都御史趙燿亦言款貢不可輕許已而倭從釜山移營西生浦送還王子陪臣于是極巨星一意主款許封不許貢二十二年惟敏復入倭議惟敏在倭云和親入朝則云和好親密言官何喬遠林材唐一鵬等怒請罷封會朝鮮疏請許貢保國上以初言官為阻撓封貢詔小西飛入朝面決一倭盡歸巢一既封不與貢一勿犯朝鮮永無異意以勸裔李宗城充正使副

以指揮楊方亨同惟敬往明年禮臣議日本原有王未審
存沒、閑、白、宜、另、擬、二、字、或、即、以、所、居、島、封、之、不、听、上、竟、許
平秀言為日本國王、給金印、而行長准都督僉事等官、時
傳日本王現入山城、有文祿三年之曆、而小西飛云王為
信所執、都御史李化龍遂有六可疑、三可慮之說、報聞二
十四年、封使方抵釜山、而惟敬先往、私奉秀言、蟒玉、翼善
冠、及地圖、武經、又驅壯馬三百、南戈、崖騎從、獻秀言、私娶
阿里馬女、正使宗城詣馬島、或言倭情不善、宗城懼、夜、矣
印勅道、詔逮就訊、改方亨正使、而惟敬副之、二十五年、惟
敬所携謝表不恭、而釜山之倭尚逼王京、于是復議東征

經畧鄧玠知惟敬為倭向導縛之而大發卒困倭舅山已
敗績明年檄水陸各師四路相機進剿復不利會倭秀吉
死倭意解逐北屢捷秀吉且死令原家康領東北三十三
州輝元領西南三十三州協輔七歲秀賴時苗景勝亂家
康起兵誅之併敗輝元專國政而以孫女妻秀賴家康死
傳位其子秀忠稱新關白移秀賴于大板止給廩食及明
末唐藩立八閩以鄭芝龍妻為日本所自出使人乞兵日
本且許諾繼聞芝龍反唐怒而幾為鄭一老所賣魯藩保
舟山命周藩安昌王賁牛驢等控日本抵長吉島通源將
軍將軍以虓王諸卿非兩榜輕不信既而諸生凌士弘馮

京第獲奉威國侯黃斌卿血書以往適西洋失凡三舟抵
日本然司馬者以為敵至提兵禦之見所為血書曰待捷
西洋可赴汝士弘等既歸久之復往源將軍不為發兵而
而以諸軍需助舟山又得從諸商分稅數萬金益餉舟山
敗北兵欲款芝龍子成功而希功者請戰成功毋死常以
金鑄母像日朝之希功者潛襲其寨獲金母及真珠簾去
成功怒乃連年發兵擾海上不息

論曰靖難自愧其為倭以倭絕之可以無後擾遼之患
蓋自元世祖時喪師駝海彼乃啓志既以罷市而和約
猶通世廟時數十年楊波不休職此之由然則神廟中

困一閑白徒多事使非其國內亂且移禍也六可疑三
可慮胡克耳不聞哉

琉球國 舍那

琉球

又曰琉球

所轄古來太平瑤七島自福建梅花所

利舶七晝夜可至唐宋以前不通中國隋元常以兵虜其

男女婦卒不至呼其王為可老羊妻曰多拔茶所居曰波

羅檀洞隋兵再虜其男女五千人元招諭不從元貞中平

章高興撥別將酋其民百三十國分三王中山王察度山

王南王承察渡山北王怕尤芝

一曰立朝命名皆以漢字

蓋其地初亦就教中國習知之洪武初使行人楊載詔其

國賜三王印與皮弁冠已而三王互相攻詔為平之歷朝

貢二十一年以所獲元主次子地寶奴居其地中山王遣

世子及國相子來就國學。又有女師生姑魯妹二人者亦來就學。上賜賚視中國儒生有加。已而世子國相子與雲南生非議詔書上怒皆治罪死。尋賜閹舟工三十六戶。便來往察度三傳至尚巴志而承察渡卒無子永樂中封其從弟汪應祖輯山南王事九年來貢長史程復乞陞同官王茂國相兼長史而自言故中國饒州人今八十一老乞致仕還鄉許之。其後山北山南皆為中山臣尚思達所并巴志卒尚忠嗣。正統中商船漂廣東巡成欲戮之以冒功海道童格不許奏還其貲再傳金福卒景泰中弟布里與子志魯爭立失其印次第泰以馳奏詔給泰以印嗣王又

再傳尚圖。成化十一年，貢使還至閩，恣殺掠。詔間歲一貢，貢無過百五十人。傳子真，以監生蔡賓等五人肄業南雍，處以觀光館。歷五年，乞歸省報，可。嘉靖二年，使往暹羅，失風，聞界為我所獲。會日本使擾寧紹，上恐互相間，命轉發浙江會勘。尋復令其使正議大夫鄭繩、賈勅、書轉諭日本，捕治逋誅。宗設等真卒，子清嗣。王乞留，詔勅鎮國如安南。許之。十九年，長史梁梓來朝貢，請續造海船四號。詔無違例。二十一年，漳人陳貴與潮陽海舶爭利，譁琉球。琉球械送貴，福建誣以為寇。上治以通番律，諭王無輕與中國人互市。明年，復令官生梁炫等四人學南雍。初，閩人蔡璟撥

賜琉球其孫廷會充貢使至。與給事中黃宗概親舊。通饋
謂事覺。下詔獄。上念貢使姑。草賞行勘。會倭寇浙直敗還。
世子元發。兵邀擊得金坤等六人。獻捷。上嘉其忠。賚金幣。
三傳寧為薩摩州倭所囚。已而得反。時貢物襍倭產。禮部
侍郎翁正春以為宜示不絕之絕。唯本國所產收解。餘携
歸。四十四年。通事蔡璽報倭戰船五百號。脅取其東。番急
求救。不果。萬曆中。議琉球奉使。禮部侍郎李廷机以為夷
官請命于京師。使臣即海上可以集事。不必冒死索外夷。
論者謂得大体云。其地海氣蒸溽。鮮霜雪。多颶風暴雨。國
人深目長鼻。結髻頂有。其有職者。橫一金簪。三十六姓後。

髻結頂。織番好潔。並用色布纏首。黃最貴。紅次之。青綠又次之。白斯下矣。王兼用五色。廣袖寬博。制如道服。腰大帶布。亦如纏首布之色。分貴賤。以五色陶珠為簾。亦以為蓋。大團扇。集鳥羽為之。其民人並縞素。無木棉。屋多茅覆。間以陶。無貴賤。皆草履。脫入室。肅便客。則具冠履。婦人以墨點手刺面。為花卉鳥獸狀。髻肖童子。梔角不施簪珥。粉黛工麻縷。富室上衣之外。更用幅如帷裳之背上。見人則以手下之。而蔽其面。下裳如裙。倍其幅。多褶。長覆其足。凡有出入。戴箬笠。坐馬。女僕三四從之。地不產鉄。爨用螺殼。亦無農器。削木為之。得異味。先薦尊者。居喪數月不肉食。以

中元前後日浴尸溪水去腐附草纏以帛埋土中王及諸臣家匣骨山穴賦法稍倣古井田有事始均稅事已即罷刑甚峻犯盜竊剗腹剗刑職官尊者三法司即國相率王母舅妻父任之其次有察度官司刑名有耳目官資顧問有過閭哪霸官理錢穀皆武職大夫以上世及所轄地為姓名長史主封貢不與政事及通事為文官以通中國書乃閩三十六姓之後為之今僅存七姓矣七姓男不為國脩女不為王妃言語衣服無別上以推結居中者七姓居右者本彛也王日三朝搓手膜拜俗稱王曰教那妃曰扎喇王宮建山之巔國門榜以歡會府榜漏刻殿榜奉神衣

樂間常命使為孟宮殿。頗闊敞。然以板代瓦。尚朴素。不致雕鏤。亦信堪與家言。旧南向。後改西向。冊封錫以皮弁玉圭。麟袍犀帶。視二品秩。東去三百里為樂碧山。又東即日本。販鬻率女僮。市初用海巴。後用日本錢。十當一如宋季。驚眼縱環。信鬼巫。不知醫藥。以婦人不二夫者為神。尸率三五百人。白日呼嘯。音節悽慘。其魅號女。君王宮藏佛經千卷。儒書有四書。無五經。以杜律虞註為經。文弱多學。詩參禪。乘土田硤磔。樹藝園莽。王與臣民分土為祿食。不交征山。無虎宴會。亦有歌舞。諳漢字。奉正朔。酒以米漬。水越宿。婦人口嚼手槎。以取汁。曰米奇。間來自暹羅。易醉。凡殺

牲不血刃。以水泅而火其毛。武宗常賜玉杯。每出為壽。際陪臣子。及俊秀。凡學書及習武。以日本為師。進退節以金鼓。甲用皮革。弓稍長。如搖撻。射則樹地。以兩手牽之。可二百步。好開殺人。度不免。自署役長。樂广石出海望。小山浮空。為小琉球。南為東番。盛聚落。而無君長。又東隅有羆鳥語鬼形。袒裸。盱眙。或云即毘舍那國。

論曰。國初來就國學。憲廟以後。每肄業南雍。頗奉儒禪。與朝鮮畧彷彿。乃以日本為師。則何也。若夫生姑魯妹。以女師而迄。觀光大成。至於不二。其夫稱女。居較中國內政。益脩矣。

和蘭國

和蘭國即紅毛番。俗稱紅毛番。與佛郎機接壤。時橫行爪哇。大泥間及閩佛郎機據呂宋。互市濠鏡。心艷之。萬曆中忽駕船稱和蘭欲通貢。博奕共拒之。移叩閩。上人李錦以客大泥與和蘭習。說其酋麻里郎曰。請至澎湖。與而守之。逼演路璫。而果可得志。于是于澎湖伐木駕廠。而錦先入漳。為漁。當事繫錦。令諭異。還自贖。而璫果竟與異盟。會材官沈有容。出詢夷語。中歎且號。請聲勅。異遂巡去。詔大泥國移檄和蘭。無為細人所誤。其人深目碧瞳。長鼻赤髮。身長三十丈。五腕。比三層。四置銅銳。大者長二丈餘。一簇可洞。

石城、舵後置銅盤徑數尺、稱炮、海鏡佳來不迷、奉天主教、役使烏鬼行巨浪中、如坦道、不習戰、已因中國驅逐、始暮日本、人為先鋒、其炮用法、迥于佛郎機、萬曆中、官閩廣者、進紅桑炮為式、比舊制絕殊、中國遂恃此為戰具、而不為方失、崇禎初、劉香毀閩海、紅桑撲大艘、砲皆實、入中左、焚我戰船、官兵多死者、巡撫鄒維璉力拒、卻之、明年、國姓斯成功、以舟師入懷、臺、臺灣者、自澎湖深入、和蘭曾築一城、以其人守之、凡通商、駐此、候命、成功既、稱高和、和又稱、明、以候桂輝、佳主不祿、改名東寧、別、和傳、論曰、以和蘭之屬地、存挂羊、故漫傳之、在荒服、

占城國

占城古曰占不勞國。在古越裳界。南達真臘。北連交趾。自閩長樂五虎門。十日可達。周時重譯獻白雉。秦象郡林邑縣地。漢併南越。屬日南郡。境有金山。夜嘗飛金如螢。鑄金入大輒十圍。故其俗以金為市。宋淳熙中。真臘人主之。故又名其國曰占臘。即釋典所謂王舍城也。元至元中。內附封占城郡王。其民率以漁為業。少耕種。獷悍。果於戰鬪。深目。昂鼻。髮卷色黑。貴女賤男。尚釋教。王腦後髻結。散被吉貝。冠三山金花冠。纓絡為飾。以白氎布纏胸。垂足膝。圍色帔。跣足。或躡草履。出乘象。或黃犢車。其臣莖葉冠。撮髮為

結散垂為髻。民居茅茨。簷宇法不得高過三尺。民服犯白
死。氣常煖。草木不凋。殺牛祭鬼。元旦驅象出郊。名逐邪市。
用金銀釀酒。甕中繞甕通竹。啗之。王居鑄金。酋長之居甕。
執灰雕鏤獸畜。王歲時以人胆為酒飲之。又以浴。凡主國
三十年。棄為僧。入山。坐虎狼中。自懺。令子侄攝位。居一歲。
亡恙。即復出為王。國人呼王為昔黎馬哈刺。歲無閏。但以
十二月為一年。其漏鼓十更。冬至定十一月望日。嫁娶以
八月。好晏起。肉魚非腐不食。刑有枷鎖。截鼻斷手。小過鞭
藤杖。當死者。樹繫之以梭槍。舂其喉。殊之。奸犯男女。炮面。
罪甚。令坐尖木。自便出口。渠中流示眾。若故殺。劫殺。令象

跣之。或鼓鼻捲撲。象知人意。輕重不等。槌薰羊皮以代紙。
削細竹為筆。蘸灰書之。書如蚯蚓。國有屍致奠。亦曰屍頭。
蠻婦人也。目無瞳子。夜飛頭入人家。食小兒。天氣侵兒腹。
兒輒死。頭逐合體。如故。或移其體他處。不得合。亦死。民有
此婦。不報者不赦。山產伽藍香甚美。現音竹黑色。一寸二
三節。又產降真香。烏木。犀牛。如水牛狀。無毛。黑色。生鱗甲
紋。癩厚。一角。生鼻梁之中。馬低小。雞足。廿五分。樹有波羅
蜜甚耳。又有鱖魚潭。訟不決者。各騎水牛過此潭。理屈者
必為魚所食。不爽。野牛成群。見衣青人前觸死。國人護首。
偶觸首。比殺。人仇。洪武二年。遣行人吳用等詔諭其國。

王阿荅阿者已先遣使蒲且麻都及虎都蠻貢虎象且言
安南通侵隨遣諭平之封阿荅阿者為占城王賜銀印塗
金及大統曆以其通文字頒科舉詔令貢士赴京師四年
遣荅班瓜卜農來請兵器樂器及樂人意使安南知其歸
命本朝勿侵上曰兩國互爭獨與尔兵是助攻也樂律故
同華異音異可擇國中通華言者來肄習之八年以其貢
使挈行商多謫著祖訓沮遏之十二年王與安南戰不利
復諭慰之十四年阿荅阿者為其臣門閣勝所弑自立上
惡其篡絕不通永樂元年其王占巴的刺遣使來貢告即
位乞諭安南勿侵許之四年上征安南出兵助戰明年復

安南所侵地、獻俘、七年、命鄭和出賜王擁五百餘人、執鎗
及舞皮鼓牌、槌鼓吹椰殼筒、膝行蒲伏以迎。十一年、遣其
孫舍阿那沙入貢。是冬、兵部尚書陳洽言王雖助攻李聲、
寔懷兩端。至化州大掠資、李聲、金帛、戰象、李聲亦遣美女、
王復侵奪升華府、所隸州縣、其罪等安南。上曰、安南方靖、
勅諭而已。自是歲一貢。宣德七年、還。還貢使被拘來懇、詔
還所留暹邏人及我軍往西洋未歸者。正統六年、立其嗣
王摩賁。自是三年一貢。為令。成化七年、王繫羅茶全被安
南所虜、卒。弟繫羅茶悅攝國事。詔賫印封為王。適又為所
虜。使者還、未幾、安南歸所掠占城地、凡三千五百餘里、徙

居赤坎邦都郎以避安南二十年遣給事中馮義等討齊
亞麻勿庵為王使未至而卒其臣提婆苦者受安南偽命
為王義誤以為真即以詔印授提婆苦義歸海上卒齊亞
麻勿庵之弟古來者恨提婆苦起兵攻之安南東勢舉兵
壓境欲生邀提婆苦古來惧率妃孫及部落千餘來請封
于是追治誤封義罪更封古來為王安南必以提婆苦當
嗣就填兩廣都御史屠滸直古來致崖州受朝命古來卒
其子沙古卜洛乞封不言父卒給事中任良弼以為國王
之印不係朝廷封不劫也大率無事廢朝自立有事假
國命為重宜予勅別詰責安南還其侵地徙之正德八年

遣給事中李貫封沙日底齊為王。貫等即其境憐入以無
通事諸人為解致命其使而歸嘉靖三十一年使再至其
國界靈山七座對文藤杖往來販船必此樵汲又崑崙山
節然瀛海之中與占城及東西竺羣峙相望西洋販船必
順颶七晝夜可過俗云上怕七州下怕崑崙此山無所產
人火食躡穴巢樹而已

論曰詔以其通文字賜大統曆許貢赴京師科舉雖不
果貢然能求樂器及樂人其國亦似可化而世為安南
所苦斯弱不足慮也

真臘國

真臘本扶南屬國在占城西南隋始通中國姓刹利氏唐神龍中并扶南而國分為二南近海為水真臘北多山為陸真臘後復合為一宋宣和初封為真臘國王有聚落六十餘慶元中破占城為屬國遂號占臘又有參半真里登流蒲甘等國皆屬真臘其國自號曰甘索智後訛為甘破蔑闍人賈其國則方言曰柬埔寨也自占城抵真蒲即其境洪武六年國王忽兒那遣宗亦吉郎表獻方物賜明曆文綺王死參合其武者持達志立屢入貢賜銀印黃金塗二十年王正黎列保昆耶甘谷者遣使貢象五十九香六

萬勛永樂初告即位御史尹綬報之圖山海所經以歸景
泰二年來貢賜王及妃文綺景泰以後不常至地通印度
其俗謹於奉佛尚華侈東向為上右手為繫男女椎髻穿
短衫圓梢布以香葉塗身皆奉佛文書以麂鹿皮染黑用
粉畫之法有別刺刺配犯盜者則斷手足殺中國人必抵
中國人殺之可贖也有銅臺列銅塔二十四銅象八鎮其
上象各重四千勛王三日一聽朝坐七宝林出入擁劍立
象上迎小金塔金佛前導亦有通天文者能推算日月薄
蝕以十月為歲首閏悉用九夜分四更候煖不識霜雪俗
稱儒為班詰僧為苾始道為八思班詰不知所誦何書但

從此入仕為清。貫。脩。道。婦。蚕。織。
論曰。尊中國。通天文。如扶南。猶可教。其占。成之。並。歟。

暹邏國

暹邏國在南海中、古赤土地、北連交趾、自占城西南、七晝夜可至、後漢赤眉遺種、本暹與邏斛二國、元至正間、邏斛降暹、併稱暹、暹土瘠不宜稼、邏斛即古婆羅刹、土平衍多獲、暹仰給焉、剪髮穿耳、跣而繚腰、及骹前後珍寶之國也、地週千里、外山崎嶇、內地潮熱、氣候不正、有西塔始造時、值鄭和至、削其合尖、後屢合之、不能尖也、王所居宮用黃金塗、帽金帽、若白抹首、肅周子身、以受明封、平時腰束嵌綠帨、獨不剪髮、出跨象、或乘肩輿、張蓋、莖葉為之、臣民望見、王合掌、偃倭捫、王足三、乃自捫首三、謂之頂上恩、

用周正。蠟墓生則拜月。曰。毋使食也。教用釋經。字皆橫書。家及百金。即以其半施佛。大刑烹錮。男子決于婦人。謂其多智。妻有私。則置酒飲其所私。曰。妻美中人觀也。工刺綉。織紵。率為樓居。貫檠柳片為板。藤羅之。亦削檠柳之幹為鏢。以吳牛之革為鎗。有藥鏢。習水戰。大將俱用聖錢。累。不知不能入。聖錢者。腦骨也。行錢用貳。否國必大疫。男陽週破之。飲錫銖十數顆。國有嵌鐸。業人任呼也。其富貴者。範金為空珠。中藏砂子。行則振。上有聲。不嵌珠。人賤之矣。婚則群僧迎婿。至女家。僧取女喜。紅貼男額上。稱利市。然後婚。貴人死。則以水銀灌其屍。葬之。其下暴屍。海沙飽群。

烏、棄骨於海。云烏、葵、釀林為酒。甲諸彝、稱暹酒。國西南百
里有上水鎮、番貨所聚。紅馬、廝肯的石、在紅雅姑、肩下。明
淨如石榴子。最奇。產白象、獅子、獺、白鼠、六脚龜、及黃連、羅
褐、連香。洪武四年、大理寺卿聞良輔、持詔其國。王參烈、昭
昆牙、遣奈思、俚儕、刺識悉、替奉貢。賜大統曆。王懦、廢從父
參烈寶。昆牙、思哩、哆囉祿、代立。九年、遣子昭祿、群膺、哆囉
諦、刺修世。見賜暹邏國王印。久之、子昭祿、群膺、立。勅之曰、
朕即位以來、使命周于四外。凡諸君、長履境者、三十六。聲
聞者、三十一。大國十有八。小國百四十九。唯暹入中華最
近。亦唯暹最好禮守德。朕甚嘉之。永樂初、王與琉球通好。

漂聞被籍詔廩而遣之十三年王卒子三賴波摩扎刺的
賴立數侵陵滿刺加國滿刺加以告制解之十五年遣奈
必表貢乞量衡式賜古今契女傳金綺量衡令准三年一
朝貢宣德中稍減賜物著為令正德二年王悉里麻哈賴
九年王谷戎有替下十一年王思利波羅麻惹智刺貢使
未嘗絕時譯夷字無識者大學士梁儲請留來彝一二人
在館肄習從之汀人謝文彬者嘗販鹽失風至其國遂受
官坤岳坤岳者華言學士也偕來貿易下吏嘉靖中王勃
略坤息利允池牙遣使貢白象上中道死使者取象牙鑲
以金石珍寶留貯白象尾為證上之隆慶初東蠻牛求婚

暹邏不與東蠻牛惠起兵圍暹邏破之王自經死國其世子及中朝賜印以歸次子攝國奉表求印詔與之萬曆初王起兵復仇東蠻牛宵遁暹邏遂移軍攻降真臘雄海外七年來貢二十二年緬酋雍罕等從蠻莫道歸暹邏卷甲趨之俘斬數萬緬勢遂衰

論曰好禮守德以教暹世也安得諸聖錢入中國累身以幣不庭。

哈烈國

俺都淮八刺黑魯迷

哈烈

一名黑魯

在撒馬兒罕西南去嘉峪關萬三千里元駙馬

帖木兒

之子沙哈魯嘗居其地國人稱為連魯檀猶華言

君王也東有俺都淮八刺黑諸城皆隸焉洪武二十五年

遣使詔諭永樂七年頭目麼資朝貢正統二年使哈只貢

馬王石城方十里壘石為屋牆壁窓牖皆金碧琉璃金床

重茵衣冠大類亦力把力民土房鹽帳以雨少故上下互

呼名雖王亦然相見少屈躬道撒力馬力一語握手或相

抱為禮致意于人則云撒盤少炊爨飯食就肆無七箸交

易用銀錢三等無正朔日月亦無斗斛用權衡為量稅

十二國用資焉。男髡首衣尚白。喪易青烏。無棺槨。不祀鬼神。祭先于墓所。人多善走。日行三百里。氣候常煖。磁器最精。產巴旦杏、鎖伏、花鐵、金銀、珊瑚、琥珀、水銀、珠翠、名馬、獅子、黑白文獸、堅白鹽。可為器。宜蚕。執綺過中國。男女讀亂。然有學舍。聚生徒。講習經義。寡爭訟。好施予。而屬俺都淮去哈烈千三百里。平曠無險。地沃人繁。八刺黑一名在俺都淮東北。地平廣。食物豐饒。西南諸番賈聚焉。永樂中哈烈沙哈魯各遣其子守之。魯迷或云地屬哈烈。嘉靖中一再入貢。禮部尚書席書奏魯迷不載王會。真應身稟辦。宜善遣之。五年復貢獅子、犀牛、留貳彝五人。飼內府。定五年一

貢十餘人。三十二年，北酋寇甘州，總兵楊信以土官百戶馬能言，令魯迷諸國貢使九十餘人，前禦酋，罵亦阿力等九人死焉。詔罪信，棺殮。送死者歸國，仍優諭其王。論曰：西夷死國九人，其還也，聚生徒，講習經義，乃有此。

土魯番國

黑婁
猛澤

土魯番

一名土

在大州西百里古交河縣安樂城也城西

二十里有崖見城相傳為縣治又云古車師國云候媛少

霜雪人皆屋居信佛法多僧寺永樂十二年吏部員外郎

陳誠使其國還言城西北百里有靈山倍云古十萬羅漢

涅槃處也山行二十餘里石理紛如毛髮或云羅漢洗頭

難髮處也又五六里崖石白似輕脫不可握或云此羅漢

遺蛻也又東石笋如手壁起瑩潔可現或云辟支佛涅槃

處也四面峻壑窮峯天巧奇絕草木不生鳥獸鮮少云產

金剛鑽梧桐藤柳青撒哈刺禪衣等物甘肅大抵無北南

患專防西。彝。七種中土魯番最好猾。宣德五年始遣使來貢。成化弘治間擾我西鄙。虜哈密王及金印去。事在哈密傳。嘉靖十一年連檀滿速兒等來貢。稱王者七十五人。貢使至四千人。內閣張孚敬言。西域稱王者多。恐彼自封授。或部落相長。宜答勅亦稱王。禮官夏言議。西域稱王者唯土魯番。天方。撒馬兒罕。三國。如日落諸國名甚多。朝貢絕少。至嘉靖初。天方漸增至六七王。魯番至十一二王。撒馬兒罕至二十七王。今則天方二十七王。土魯番十五王。撒馬兒罕竟至五十三王。況所稱王號。原非舊文。即有同者。地面又異。若人與一勅。恐非所以尊中國而嚴外彝也。自

後各執賜勅率其部落貢不如期使不如數任意往來勢
難阻絕驛傳勞煩宴賜頻數竭我財力以侵遠彛計亦左
矣上從言也當是時土魯番強殘破我嘉峪關外七衛及
城郭諸國地大人衆非復陳驗封奉使時知滿速兒死子
沙速檀嗣次子馬黑麻復據哈密遣使求貢火者阿力克
等八百七十四人詔居之甘州嘉靖末沙速檀潛掠北
中流矢死弟馬速嗣來貢隆慶中馬速死馬黑麻嗣一姓
四使詔附于烏里麻使中而與土魯番世好者為黑婁其
地山水草木禽獸皆黑色男女亦然宣德七年始遣使來
貢又鹽澤去土魯番三十餘里自黑的兒火者稱王既死

土菌之强者簋之不得詳地產石鹽可為器以盛肉食可不鹽

論曰處七十王如憂言議差合信佛法而狡奸乎

于闐國

火州魯陳
哈失哈力

于闐在葱嶺北二百里其國東西五千里南北千里漢建武中疏率王賢攻併于闐于闐將休莫霸自立尋滅疏東梁天監中敝破羅婆步障隋大業率朝貢其王以王為姓唐貞觀中朝貢不絕王姓尉遲上元初以其地為昆沙都督安史亂不復至石晉時王李聖天自稱唐宗入貢受封為大寶于闐國王宋末南遷朝貢不絕嘉祐中以其國王為特進歸忠保順砮鱗黑韓王永樂六年頭目打魯哇亦不刺金遣滿刺哈撒木丁等貢玉璞十二年陳誠奉使其國上主微弱被侵境內惟火州魯陳哈失哈力稍有城邑

餘皆荒索、永樂以後、而戎奉職貢、不敢輒相攻殺、始得休息、漸就富饒、人機巧、以木為筆、好浮屠法、習歌舞、工紡織、相見輒跪、得問遺書、戴於首、乃發之、其山蔥嶺為大、河分為三、有白玉、綠玉、黑玉之別、每歲秋、見月光盛處、索玉必得、有比摩寺、云是老子化胡成佛之所、產胡錦、雙峯駝、諸香、珠、珊瑚、翡翠、琥珀、花藥、布、名馬、膃肭臍、金星石、水銀、獅子、阿魏、貢使每來、必携一寶鑑、云涉流沙、必挈水行、是鑑投水、必沸、而火州自嘉峪陸行、一月可至、去土魯蕃百里、本漢車師前後王地、前王治交河、後王治務塗谷、即唐蒲類縣、漢元帝時、以其地高、厥名高昌、後魏初、有闕伯周

者自稱高昌王。唐太宗平高昌，置西州，及都督府。後陷于吐蕃，其地有回鶻襟居，故又名回鶻。宋時屢遣使朝貢。元號畏兀兒，隸馬哈木八國。朝號火州，山色如火，故名。東有柳陳，隸之。風物蕭條，民居僧堂居半。明初仍置達魯花赤監治之。永樂七年，遣使朝貢。宣德五年，火州王哈散、土魯番萬戶賽因帖木兒、柳陳城萬戶瓦赤刺俱遣使貢馬及玉璞至今，朝貢不絕。俗信佛法，好騎射，時節潑水為戲。柳陳一名魯陳古，柳中縣地。去哈密千里，中經大川，砂磧無水草，馬牛過此輒死。大風倏起，人馬相失，道傍多骸骨。有鬼魅，行人失侶，白旦迷亡。彝人謂之旱海。出川西行至流

沙河有火焰山、色如火、氣候和煖、風俗醇朴、人二種、曰
回及畏兀兒、回回男子削髮、戴小罩刺、婦女白布裹頭、畏
兀兒男子推結、婦人蒙皂巾、垂髻于額、哈失哈力、宣德間、
遣十四人來朝貢、或曰即阿力馬力、

論曰、成祖時、婦王恃遠、于闐之得休息、誰賜也、

赤斤蒙古

開安定曲先罕東罕東左沙州

赤斤蒙古嘉峪關外七衛之一也周西戎戰國月氏秦漢
屈匈奴武帝取為酒泉燉煌二郡唐末沒于土蕃宋入西
夏永樂二年故坦驍丞相苦术之子塔力尼率五百人來
歸設赤斤蒙古所以為千戶尋陞所為衛塔力尼為指揮
僉事十年叛寇老的罕走匿赤斤詔諭塔力尼明年擒老
的罕來獻優勞之進同知率子且加失旺嗣累陞都督僉
事其指揮草古者西掠沙州勅令改番已請建寺白城山
不許時瓦剌也先要婚赤斤且加失旺率子阿速俱請內
避不許遂陰與瓦剌市至受平章等秋哈密使者嘗道赤

斤為部酋劫掠阿速不能戢我兵捕酋思械京師景泰中
也先以書誘脅不從自是朝貢不絕後以土魯番逼東徙
肅州境種人散走衛遂墟嘉靖中兵部尚書王瓊議撫屬
羣以鎖南東襲賊朝貢安定韃韃別部也地廣袤千里無
城郭其俗馬乳釀酒氊帳為廬洪武七年安定王卜烟帖
木兒遣使朝貢分其酋長為阿瑞阿其苦先帖里四部賜
銀印仍稱安定王永樂中設安定阿端二衛王為曲先所
收殺部落潰散十一年其孫亦攀丹復故封已中使往西
域道死于賊上為安定曲先蒙酋都指揮李英擊安定俘
斬千餘曲先遁去宣德二年以安定僧賓竹領真為國師

給誥命銀印。是後王與國師並入貢。而國師外復有禪師。正統中詔還其國。成化中為土魯番所殘破。遂服屬之。弘治中詔稱忠順王。近裔以姪陝巴襲。有哈密。正德七年北。鹵亦卜刺破安定。奪其誥印。嘉靖中求國師藏卜。答巴等襲指揮。賊領其衆而安定王苗系無傳。曲先者永樂四年所設衛。以土酋散西思為指揮同知。宣德初平其叛。論功加國師禪師秩。已又掠西域貢使。都督史昭討之。進馬賸罪。尋為安定所鹵。詔安定遣還。復業。成化後被侵。走匿烏思藏。或依沙州嘉靖中擁帳三千與罕東衛帖木哥土巴等來歸。曲先故地盡失矣。而罕東者洪武末涼國公藍玉

追捕寇至罕東將佐諫勿入不聽縱兵阿真川土酋哈答
遁去不見鹵而還三十年入貢後立罕東罕東左二衛尋
進酋長鎖南吉刺思為指揮使其兄答力襲為指揮同知
頭目奴七為指揮僉事歲貢不絕成化後土蕃迭入哈密
二衛弱不能支頗流散後其酋土巴等叛附土魯蕃沙州
古燉煌地唐末陷西戎張義潮以州歸為歸義節度使梁
後曹姓代立迄宋朝貢永樂二年立衛正統中都督喃哥
以因瓦刺率部來歸衛遂廢或曰二罕東皆在沙州阿端
人沒不知其處

論曰赤斤為屬比三衛尋盡棄東西失散邊多事矣

亦力把力

亦力把力在沙漠間。或曰烏耆。或曰龜茲。元時名別失八里。馬哈木封于此。洪武二十四年。王黑的兒火者遣使貢馬。永樂四年。王沙迷查干遣使貢玉璞。且言哈密忠順王安克帖木兒為北鹵鬼力赤毒死。願率兵討之。上喜。勅與哈密嗣王脫七相睦。十六年。頭目速哥克刺滿刺來言。至思弒其從兄王納黑失只罕。自立為王。從其國西去。更號亦力把力。正統二年。王也先不花遣貢玉璞。駝馬。自是入貢不絕。其國無城郭宮室。逐水草住牧。設帳房。禮屬寒暑。坐卧於地。其王戴小單刺。簪鵝翎。削髮貫耳。地多霜雪。深山

大谷六月永漸俗獷戾服用污穢上下無紀律產雌黃胡
粉馬駝犂牛孔雀駝駝阿魏白氍毹布
論曰此等國無定處亦無定名

蘇門答刺國

附那孤兒
黎南浮里

蘇門答刺漢之條支唐之波斯大食宋之瀕文達那西洋
要會也其西有蘇隣國摩尼佛生焉其地東南火山連
阿魯那孤兒黎伐三國自滿刺加西南順麗五晝夜可至氣
候常熱如夏風俗淳厚與滿刺加同市用金錫錢金錢曰
那底兒山不生草木土石皆焦惟生旱稻二枚無麥產胡
椒芭蕉子莖吉柿玻羅蜜睹爾烏俺拔黑羊無白者國無
城郭有大溪入海海口最險船常溺太祖有天下以其教
門上擬國號禁除之王遣使表貢請改國名詔以為蘇門
答刺永樂三年酋長宰奴里河必丁遣阿里朝貢詔封酋

長為國王五年再貢已而王與花面王戰敗中矢死子鎖
丹罕難阿必鎮幼王妻號子國曰誰復此仇吾以為夫國
中有漁父者起兵殺花面王上妻曰夫我遂尊漁父為老
王七年遺其臣阿里表貢久之故王子長陰與部曲謀殺
漁父而漁父之子蘇幹刺利一日者復起兵峭山為父報仇
會鄭和入海賜諸番蘇幹刺怨朝賜僅及鎖丹罕難阿必
鎮領眾邀擊和軍和與戰敗之蘇幹刺走追至南漳國并
獲其妻子俘行在伏誅宣德中一再表貢九年使弟哈利
之漢來貢麒麟禮部尚書胡濙請表賀不許王弟卒京師
贈之鴻臚寺少卿治喪葬給守塚十年請封其子為王其

後再易姓萬曆中為國王者國中之大酋奴也。奴為其大
酋牧象。肥。大酋喜使主魚。輒上魚。大酋而不以充稅。大
酋益喜。時大酋入見王甚恭。奴曰。主不欲之乎。欲之王矣。
因促謀大酋上殿。與王密言事。屏左右。奴直入刺殺王大
呼吾主王矣。大酋故掌兵。無敢與大酋難者。或偶語兵。輒
收之。大酋德奴。與之以所掌兵。他日奴又以其兵刺殺大
酋。而自為王。東有黎代部三千餘家。自推一人為王。屬蘇
門答刺。所轄又東有故隣國。默伽國。故隣人黑如漆。花面
即那孤兒國。止千餘家。地宜稻米。風俗淳厚。男子皆以墨
刺面為花獸之狀。獠頭裸体。單布圍腰。婦女圍色布。披手。

巾、帷、髻、腦、後、不、奪、不、盜、上、下、自、耕、而、食、地、產、香、味、青、蓮、花、
近、布、境、內、一、山、產、硫、黃、常、貢、方、物、界、近、南、巫、里、洋、有、龍、涎、
寺、每、至、春、間、群、龍、來、集、于、此、交、戲、而、遺、涎、沫、番、人、挈、駕、獨、
木、舟、登、寺、採、取、而、歸、或、風、波、則、人、俱、下、海、一、手、附、舟、一、手、
楫、水、而、得、至、岸、其、龍、涎、初、若、脂、膠、黑、黃、色、頗、有、魚、腥、氣、久、
而、成、塊、或、大、魚、腹、中、刺、出、如、斗、大、焚、之、清、香、可、愛、貨、于、蘇、
門、巷、刺、之、市、一、斤、詎、金、錢、乙、百、九、十、二、准、中、國、銅、錢、九、千、
嘉、靖、三、十、四、年、購、不、得、懸、價、每、斤、銀、一、千、二、百、兩、僅、得、十、
一、兩、以、為、非、真、更、得、六、七、兩、黑、白、珠、色、黑、者、得、水、白、者、得、
之、山、也、益、價、每、兩、百、金、其、用、入、香、能、飲、腦、麝、數、十、年、不、解、

有三品曰汎水曰糝沙曰魚食而魚食又有二魚先食涎
燐海花而死吐沫為佳糝則下耳去龍涎寺西北五晝夜
海中大小七門上皆可過船傳聞釋迦佛經此浴水被竊
其衣去誓曰後此有衣者必潰其体于是男女今皆削髮
無衣止有樹葉紐結而遮前後無米穀食魚蝦及芭蕉椰
而已南淳國在蘇門答剌正西舟三晝夜可至亦止千餘
家主與居民率回上人所首止降真香西北有太平嶺峻
山又半程為帽山山西即西洋大海名那沒黎洋番船往
來俱望此山為的山麓淺水生珊瑚樹長可三尺根有二
丈梅指根色黑帽山居民不過二三十家

論曰、彌勒生而為明○摩尼生而亦為明○以相扶而傳其
一○以相疑而禁其一○

瓜哇國

附蘇各丹丁机宜重迦羅摩里日羅要治合猶里吉里地

瓜哇、唐訶陵國也。古曰閩婆，一曰蒲家龍。今稱下港。舊傳
鬼子魔王青面紅身，赤髮與一周象相合，生子百餘。通雷
震石裂，中坐一人，衆推之為王，遂驅周象生齒，繁為其國。
南瀕海北真臘，其屬最有蘇吉丹、打板、網底、勿及、留地。
丁机宜諸國而三。佛齊占霸事之王所居處，名滿者伯夷。
太祖即位，詔諭其國，還其使元之未歸者。三年，王昔里八
達刺遣使的占必表貢納元所授宣勅。王死，子八達那務
立。九年，三佛齊請封，使者假道瓜哇。瓜哇以其二事遽殺
我使。十三年，遣使阿烈桑烈時表貢獻黑奴三百，上切責。

之絕其後猷。是時其國已分為二王。永樂二年，其國東王
掌令達哈遣使朝貢，請印與之。西王都馬板亦遣使一再
入賀其旁近牒里日羅夏治合滿里三小國亦附之來。五
年，西王擊東王，滅之，說言立其子。明使者之在東王城，見
殺百七十人。西王懼，遣使亞烈加恩謝罪，貢償黃金六萬
兩，已而不如數。故不同。自是使者常不絕。其王為楊離西
沙云。宣德後，久不至。正統三年，使臣西烈馬用良入歸南
亞，先後至。西烈入謁，其官名用良與通事良殷南久旦皆
漳州人。乞省故里，詔許之。三年，王巴刺武乞拿蓋蟒衣與
之。爪哇人黥面髡跣，腥食，啖蛇蟻虫蛆，至與犬同卧，噉不

機也。生子一歲。佩之七首。名曰不刺頭。殺人者逃匿。踰三日。即不復抵罪。歲有竹鎗會。王令其妻坐塔千車。身六。一車隨後。至會所。凡會者各携其妻對列。執寔心竹鎗。交三合。各妻持三尺木棍格之。曰。那刺。或一不勝死。其勝者與一金錢。死者家而死者之妻隨勝者而去。如此以為戲。葬用水火大三法。唯死者之命之。或命火死。隨至野。委屍于衆犬。必盡。遺則泣而投諸水。或婢妾願從火。葬並焚以殉之。其王蓬首冠金葉。胸索纁腰束錦。四夫之宮。重門。碑墻。以居。藤蓆。或花草席。而跣趺其上。跣乘象。或牛。國人亦棲居以芳草覆之。人腰短刀。女子椎髻。男婦皆護首。觸首即

拔刀相撞。罪無輕重。用藤繫輒刀之。市用中國古錢。量衡
 倍中國。書記亦有字。無楮筆。用茭葦。以尖刀刻之。土人有
 名無姓。其國四鄉富饒。有淡溢。閩粵西番人至。久賈長子
 孫。甚殷富。婦人每月望女。二三十人相挽。一歌衆和。名曰
 步月。邊海一池。井淡可飲。曰聖水。相傳元時。史弼高興征
 伐。閩婆水盃。祝天。隨棟而得其地。有蘇盧馬益。產長尾猿
 數萬。中一老牡。主之。常挾一番婦。作伴。或婦人無子。携酒
 果。待老牡。老牡食之喜。則意令二猿與婦人交。婦輒有孕。
 其俗坐卧無床榻。食無匙筋。以手撮入口。崇信佛教。佛書
 言鬼國。即其國也。稻二熟。無麥。果有蓼吉柿如橘。即叔如

枇杷、殊皆甜酸、蔗長二三丈、無莖、李、產蘇木、金剛子、句檀、
賓鉄、電筒、玳瑁、及五色鸚奇、鸚奇皆能言、珍珠鸚、與雀、白
鹿、白猿、無馴與鶴、所屬蘇吉丹、人訛為思吉港、東至海水、
勢漸低、女人國在焉、其王吉力石、嘗百餘歲、能預知吉凶、
逾東則尾閭所泄、非人世矣、王五色布纏首、跣足、出從者
五百餘、各持鎗劍、帽如虎鹿、中象狀、不一、剪髮裸体、風俗
近爪哇、貿易處為饒洞、後為金後山、土人以一紙蔽下体、
而丁机宜地最狹、王出入騎象、以十月為歲、首酒禁甚嚴、
客至以扶留藤、檳榔代茗、其所界重迦羅國、高山奇秀、內
有一百洞、前後三門、可容一二萬人、無酋長、以年高為善

者主之。風俗頗淳。又牒里國大洲上人淳。產薄尚佛。少訟。目羅夏治。頗知種藝。奉佛寡盜。合貓里即貓里務地。知稼穡。俗近醇。船人語曰。若要富。須往毛里務。永樂中。合貓遣使回。上道奴馬高磔里遣馬哈木打回。即板打遺麻勿。日羅遣文那打時鎮。咸朝貢。有網巾礁老者。蕩舟為盜。海上往來甚駛。合貓里嘗被掠。轉貧。而重迦羅之東為吉里地。閩國又名暹。閩俗以立為尊。見王則坐地。合掌連山茂林皆檀香。無別產。有酋長馬頭商聚十二所。田肥穀盛。朝熱暮寒。男女斷髮。短衫。商舶至。婦女出交易。染疾死十七人。貨用金銀鉄器磁碗之屬。

論曰、國近三佛、大約以慈柔治。率孩子。乃亦有閭閻人
襍處之手。

滿刺加國吐魯

滿刺加國古哥羅富沙也亦名五峙故未稱國。隸暹邏歲輸金五千兩作貢在占城極南自占城南西行十月可到。為諸番之會無國王止有頭目永樂三年頭目西利八兒速刺一日并遣使表貢願內附七年鄭和奉勅賜双臺銀印冠帶袍服封為滿刺加國王并封其國之西山為鎮國山御製碑文系之以詩曰西南巨海中國通輸天灌地億載同洗日落月光景融兩崖露石草木濃金花寶鈿生青紅有國于茲民俗雍王好善義思朝宗願比內郡依華風出入導從張蓋幢儀文楊襲禮虔恭大書貞石表尔忠尔

國西山永鎮封。尔衆子孫萬福崇。自奉我正朔。始不隸暹。
暹自為國。氣候朝熱暮寒。田瘠穀薄。國人大率從回。上教。
王白番布縛首。衣青布花袍。躡皮履。乘肩輿。民俗男纏首。
方布。下圍布。悅女推結短衫。身釐黑其白者。華人產也。屋。
高。殿以椰子劈片。曾之。每懸四尺許。連床就榻。箕踞其上。
獲食厨廁。皆不離此。飲茭葦酒。國語書記婚喪。大類爪哇。
王居之前。有溪達海。跨梁列屋其上。百貨交易。唯此永樂。
九年。嗣王拜里迷蘇刺率其妻子陪臣五百餘人朝貢。賚。
賜甚厚。十二年。王子母幹撒干的兒沙來告父卒。詔嗣封。
十七年。王亦思罕答兒沙嗣立。復率妻子來朝。言暹邏欲。

次之。詔暹與平王率子西哩麻哈刺嗣立。來朝。宣德九年復至。正統中。王息力八密思瓦兒丟八沙乞賜敕書。景泰中。王率子無咎佛哪少請封。詔許之。天順中。傳子蘇丹。蘇連沙。又傳子烏哈木沙。皆請封。成化十四年。給事中林榮行人黃乾亨出使還。沉死。自是罷遣。正德十三年。國王穆端媽木為佛郎机酋所逐。保陂。陟佛郎机據其地。蒲刺加來訴。御史丘道隆何鰲等疏請驅絕。佛郎机王得復國。滿刺加人所苦。龍龜高四尺四足。有鱗甲。露長牙。逢人即噬死。山有黑虎。視虎差小。或變人形入市殺人。有覺之者。集眾擒殺之。與佛機為三害。時以擒勦佛郎机故。併絕安。

南滿刺加諸番舶嘉靖八年請設市舶司。聽如旧。從之。其地亦頗有屍頭。蛭人以渙為業。剝木為舟。出海淘沙取錫。曰花錫。鑄成斗樣。通使交易。有打麻兒香。嘗以燃火塗舟縫。水不能入。其明淨如金珀。即所謂水珀也。名損都盧斯。地無駱馬。貢物有金母、鶴頂、白麂、黑猿、鎖服、黑小廝、番藍錫。今其國竟為佛郎機所據。訛稱麻六甲。云自滿刺加舟行四晝夜。到哩魯國。南依大山。北大海。西連蘇門答刺。東平衛。風俗土產頗與爪哇滿刺相似。國大率回七人。山有飛虎。灰色。有肉翅。如蝙蝠。論曰。封山銘有之。賜詩則與浮泥兩見耳。平暹羅禁佛。

郎造滿刺者屢矣。而麻六甲云何。正德中。江西南城萬
安二縣人。葉明舉等。因事逃入滿刺。後乃通事。伴送進
貢番彝。專利稅其伴。為贖者所得。監理宴。極刑。遂將
二縣出仕者。不許京職。并欲以此減江西解額。尋不果。遂
滿刺之缺。且江右者如先。

佛郎機國

佛郎機國近滿刺加向不通中國正德三年其酋執立遂入貢請封廣東守臣以其不列王會竊使以聞詔給方物遣歸使者留東莞劫行旅間掠食嬰孩廣人苦之至勒兵搜勒乃去久之有進貢使者曰亞三能通番漢語賄江彬薦之武宗從巡幸上嘗學其語為樂他日有事四疊館坐而見禮部主事梁焯怒杖之世宗初復絕不與通乃率其屬踈老利別都盧等千餘人破巴西國入寇廣東新會縣指揮柯榮千戶王應恩截海禦之鹵別都盧踈老利等四十二人斬首三十五級餘賊復來應恩死之海道副使

汪鉉與戰大捷遂得其銳以獻自是番彝舶不市粵而潛
之漳州廣東督臣林富上言許市佛郎機有四利詔許市
香山澳時佛郎機併有滿刺加矣二十六年寇漳州私市
浯嶼守臣以兵禦之遁去四十四年有彘目啞喏喇婦氏
者浮海來貢初稱滿刺加國已稱蒲麗都家察南番無坎
名謝絕之其人猫睛鷹嘴髮赤鬚而貌皆白貴者加冠
賤者頂笠見尊長撒去之以為敬服鎖伏西洋布瑣哈刺
最華繁信佛食魚為齋手持紅杖而行飲食不用匙筋富
者食麵貧與奴僕食米無嫌妬男女詣佛前相配以僧為
証謂交印國有大故亦多與僧謀人死貯布囊以葬所畜

半入僧室、市僧互易、搨指卽示、數累千金、不立文字、指天
為約、無敢負相會、則交捫心、誤捫首、勃然忿爭、嘉靖中、得
其蜈蚣、舶製并鏡法、汪鋹後為吏部尚書、北鹵入、請願佛
卽機鏡于邊、如法制用、時頗賴之、相近有九州山產沉香、
黃熟香、永樂七年、鄭和入山抹香、得徑八九尺、長六七丈
者六株。

論曰、其器足以助兵、獨佛卽機後、乃得紅夷製、

呂宋國

謝美洛翔
霧班隘

呂宋海中小國也。與閩漳州近。產黃金。以故亦富。享頗淳。無訟。洪武五年。同瑣里朝貢。永樂三年。遣使隔察老朝貢。後為佛郎機所襲。初呂宋王兄弟二人。武而有信。佛郎機以其國為西番所會。從大西來自稱干系臘國。願互市。上壽乞地如牛皮。許大王許之。已而綴牛皮縱橫四圍求地。稱是呂宋王頗難之。業已許。不得辭。佛郎機乃即其地築城屋。列兵器。久之殺王兄弟。逐呂宋民入山中。凡中國以其貨來者皆主之。于是呂宋徒以其名矣。干系臘國使大前來鎮之。數歲則易一王。其地曰澗內者。中國人賈以數

萬名。歷冬間有削髮長子孫者。萬曆中。佛即機。商即雷氏。散衷系勝。以美洛居繁富。起兵用中國人為前鋒。一戰有之。而強中國人為警備。中國人皆怨。潘利五者。乃夜入商。卧刺殺。商大載商貨以歸。失水道。誤入交。七人掠之。獨郭惟泰等三十餘人走免。商子即雷貓各從翔霧往代商。遣僧至福建巡撫訟冤。詔置惟泰等于理。三十二年。天子採金方內。有妄男子張嶷上書。呂宋机易山有樹。金豆自生。可採也。天子下其書。遣海澄丞王時和與嶷往。佛即機款。丞酒問丞金豆生何樹也。丞無以對。數日。嶷為大言。大地皆金。何必問樹。商大笑。幾殺丞。七歸病悸死。嶷坐妄言。

伏誅。簡于是益虐侮中國人。中國人頗怨望。首乃令人盡
買中國人所有鐵。值數倍。中國人貪。墮其計。雖机剪灶釜
並以易金。鉄盡而兵作。無以抵戰。見殺二萬餘人。閩廣當
事。略以聞。詔呂宋無開事端而已。尋中國人復商販其地。
其屬彛有大港。有南旺。有玳瑁港。有呂達。有磨羌。夾有以
寧。有屋當。有翔霧。佛郎机破中國人。翔霧與有力焉。德之
與為婚媾。諸率酋使之。其人敬天。稱天曰寒氏。而沙瑤叻
啤。二國近界。其俗椎結跣足。耳垂大金鐸。築版為城。覆
茅為屋。又有班隘者。即斂罩山。上頭火光不斷。亦名火山。
奇險不可到。人多扁頭赤身。不受佛郎机部署。美洛居南。

出盛威儀所部合掌伏道傍男祝髮女椎髻腦後既降佛
即机得自為守繼和蘭搗其城曰若改事吾殊勝白頸以
佛即頸多白故云美洛居立酋去于是佛即机復兵入誅
所立酋攻殺逆雄長人乃分山北屬和蘭山南屬佛即机
論曰自折入和蘭佛即机呂宋一鎮耳以其初從蠻里
朝貢存之

淳泥國

古蘭且
南亞里

淳泥國統州十四本羈事閩澳前代不通中國宋太平興國中王向打始因商舶表貢元豐中亦貢其地炎熱多風兩板城銅甲王綰髮裸跣徒行上冒大布單名阮囊花帛繚腰所居若樓覆以貝多葉坐繩床其民剪髮覆額女人短衣蔽胸背亦花帛繚腰散髮跣習戰鬪鑄銅甲有巢室体及食之創不死其俗多漁煮海為鹽瀝椰為酒無稻麥以十二月七日為歲節腥食魚蝦或食木實漿曰沙糊死發棄山中二月始祀之祀七年即止燕樂鳴鼓擊鈸刻貝葉行書事佛謹王武三年遣福建行省都事沈秩與監察

御史張敬之詔其國王馬合漢沙不省秩傳譯責之王懼
起謝與國相王宗恕國行上有日矣閭婆使人言曰我向
實為王却蘇祿之侵王歸中國無我矣蘇祿再來其請赦
中國王猶豫秩大言宗恕曰即閭婆非中國臣耶而王耳
下之王悟遣六思麻逸隨秩表貢八年詔淳泥山川之神
附祭于福建山川位次永樂三年封其世子麻那惹加那
乃為淳泥國王六年王率其妃及子弟妹等來朝王上金
表赦珍物妃嬪獻中宮東宮上皇王奉天門是年王卒會
同館上輟朝三日賻贈有加工部具棺槨明器英德安門
外樹旌神道求西南彝籍中國者為守塚有司春秋必牢

祠謚曰恭順。命其子遐旺襲王。護之還其國。故事歲輸瓜哇片腦四十斤。上勅爪哇罷征。封其國之後山為長寧鎮。國山系詩碑文之後。有於萬斯年。仰我大明之句。遐旺還國。遺其叔父慶的哩哈盈等百八十八人貢謝。洪熙中復至。萬曆中王卒。爭立相殘殺。且盡國人。立王女為王。其屬國吉蘭丹今稱大泥。亦隸暹羅。浮泥貢物。有寶珠梅花龍腦。生玳瑁黑小廝倒掛鳥。產鶴頂貝。吉西國米。拜藤其屬國吉蘭丹外。又有南巫里。自蘇門答刺。三晝夜可至。俗朴少穀。食魚蝦。市用銅錢。王居類樓。甚嚴潔。西北洋有帽山。土名淡那黎。希舶以為指南。山下淺水。生有珊瑚。高二三尺。

依山居人數十家皆稱阿孤刺植華言王也永樂中入貢
又南淳里泥一云南永樂中其王馬哈麻沙遣使入貢或云
即南巫里

論曰安得其藥塗体并食之以禦金戈。

三佛齊國

龍牙門百花
東西天竺

三佛齊即伯港古牙陀利又曰淳淋羈事爪哇者也東距
爪哇八晝夜可至西距滿刺加通番者先至淡巷乃入有地
十五州其屬有單馬令凌牙斯蓬豐登牙儂細蘭諸國上
主有號曰詹卑遂傳詹卑國其人多蒲姓扼諸番咽喉商
舶不入其境者輒出舟與戰以故其地為商舶湊土沃宜
稼人好賭博如把龜奕棋閉鷄皆索錢具也習水戰服藥
及不能傷遇敵敢死鄰國畏之土窄民繁將領居陸其下
率浮筏架屋其上便近徙市用錢布字用梵書洪武二年
行人趙正使其國王馬哈刺札八刺卜遣使的力馬罕亦

里麻思朝貢。賜明曆。上諭廷臣曰。海外諸國。不為中國患。者。不得輒以兵加之。古人有言。地廣。非久安之計。民勞。乃易亂之源。識之王卒。恒麻來沙那阿嗣。亦來貢。八年。使從我招諭拂菻。九年。王卒。麻那者。巫里乞封。賜三佛齊國王印。而使者為爪哇所要殺。久之。三佛齊以他故。紹我使羈留焉。于是番商不通。永樂中。為爪哇所兼併。國廢。更置小酋。市易曰。舊港有南海人梁道明者。棄鄉里。往居之。閩廣之從為商者。數千。推道明為酋長。而施進卿副之。三年。指揮孫鉉。使諸番。以道明聞。上招歸。厚賜之。而進卿獨為制。廣人陳祖義者。故有罪。亡入其國。久之。亦得衆。與進卿爭。

長上使中官鄭和下番進卿叩告上使招之祖義詐降而
潛謀邀劫和勒兵與戰殺其党五千餘人俘祖義京師伏
法進卿遣其偕彥誠貢謝詔諫舊港宣慰使司命進卿填
之二十一年進卿卒女施二姐襲其職已而子濟孫奏襲
許之其地相傳云一年種穀三年生金言穀熟多也鶴頂
鳥大于鴨胫長腦骨厚寸餘火鷄大於鶴毛如青羊色食
火炭爪傷人腹死神鹿大如猪短毛猪喙蹄亦如之有犀
牛黑熊紅綠鸚鵡白龜筒黑熊白獺又產猫睛石腥膂膂
薔薇水龍腦諸香腥膂魚類豕首兩足其膂紅紫色上
有紫斑置睡犬傍驚跳若狂反苾布兜羅綿被龍牙門在

三佛齊西北山門相對、若龍牙狀、常以小舟百數迎初番
舶、與龍牙相望、為東西竺山形相對、嵯峨若蓬萊方丈之
間、而舊屬百花國、即宋史輦注地、天氣常燠如春、多產奇
花、故名、民俗饒富、尚釋教、

論曰、商舶凌繁、華異諸國、永樂中、設舊港宣慰使司、是
版其地也、名耳、或欲以權貨云、

文即馬神國

文即馬神國。一曰文狼。或云馬文淵。常遣兵十餘號馬流傳世。故以名。以木為城。居民築室。風俗大類三佛齊。五色布纏首。腹背多裸。初以蕉為食。後用華人磁器。人死則甕以葬。王出乘象。或乘舟。以綉女從甚都。華人與其女通。輒削其髮。留妻之。不聽歸也。女畜髮苦短。華人詭云。中國水可令髮長。率就舟市水。產鶴頂茸。藤山深處有村。烏菴里彈其人。盡生尾如獸。逢人羞避。輒掩面。地饒沙金。彝人携貨列地。竟去。鬻之者置金貨側。價有定。不欺。亦竟去。論曰。生尾如獸。非人也。而亦知金貨。

天竺國

天竺一名身毒、南天竺瀕海、北天竺距雪山、東天竺亦際海、與扶南林邑接、西天竺與罽賓波斯接、中天竺居其會、並直葱嶺南、有別國數十、王曰舍衛、漢明帝時遣人問佛法、其教始入中國、歷有表貢、隋煬帝銳通西域、唯天竺拂菻不至、唐武德中王尸羅逸多計四天竺皆臣之、自觀中遣使獻火珠、寶金菩提樹、自稱摩伽陀王、開元時獻五色能言鳥、周廣順中、西天竺僧薩滿多等十六族來貢馬、有僧道圓自天竺還、獻佛舍利一、貝葉梵經四十夾、云在途十年、住五印度六年、五印度即天竺也、開寶八年、東印度

王子穰結說囉朝貢、尋有王子曼殊室利、隨中國僧館相
國寺善持律、雍熙中、胡僧密坦羅奉北印度王及金剛坐
王那爛陀書來、天聖二年、西印度僧獻梵經、賜紫方袍、大
畧其國土沃民淳、宗瞿墨學、置天王為惺上法王、與大臣
服錦罽、頂為螺髻、前餘髮下垂、男子髡首、穿耳懸璫、跣足、
服色尚白、製同袈裟、致詞以砥足摩踵、展敬工天文星律、
產火齊如雲母、裂之薄如蟬翼、積之如沙穀、重陷恒水源、
出崑崙甘美、下有真鹽、色正白、天竺僧渡海、歷三年、達濠
鏡、即香山澳也。

論曰、其為書文理頗精、遂與儒為敵。

拂菻國八百媳婦

拂菻唐書以為漢大秦國也。一名犁鞞。去嘉峪關萬餘里。漢時以安息遮關不得達。恒帝時始一通貢。晉唐宋間來朝貢。洪武四年遣其國故民捏古倫齋詔諭之。尋遣使朝貢。其地上屋無瓦。貴臣如王服不尚靴。聞懸大金秤以金九十二定日時。每時至輒一九墜。市用金銀錢。絕私鑄。面有彌勒佛相。勒王名于錢陰。無刑罰罪重者。盛以毛囊投諸海。或云國西有弱水。近西王母所居。隨有八百媳婦國。建文二年八百媳婦入貢。論曰。最西律精金九定時。猶以十二云。

忽魯謨斯國

即忽魯
母思

忽魯謨斯魯母思自古俚舟西北二十五日可至。番賈咸
集。永樂三年國王巴即丁遣使馬刺足朝貢。七年復貢。十
八年進麒麟獅子天馬文豹紫象駝鳴福鹿羚羊長角馬
哈獸五色鸚鵡等物。羚羊尾大者重三十餘斤。雨則以車
載其尾而行。馬哈獸角長過身上喜。命侍臣為賦以紀之。
又一獸名卓上飛。番名雅禍夫。等猫大身如玳瑁斑而耳
尖黑性醇不恐獅豹等見之。伏地戰甚。其國石城石屋民
富饒。佞佛常歌舞。惡殺俗醇厚。尚回教。日五禮佛。有貧
者衆衣食之人率清白豐偉衣冠濟楚。娶妻必受命于的。

的親的。親掌教門規矩之官也。否。坐罪。人死。水灌頂洗。
 之以異香薰口鼻。營石郭封之。國法飲酒者棄市。有羊上
 高竿戲。設三木。頂可容羊四足。先行拍手念誦。羊若解
 者。踏木頂。又縱一頂三木立。羊跨二木。騰擲百變。已立中
 木上。倒輒蹲。入手中。似死。卧地。呼舒足前後。輒應不爽。起
 又黑猴搬演故事。畢。或帽其眼。擊其頭。即千百人中。必得擊
 之者。異甚。田瘠宜麥。無草木。牛羊駝馬。盡食魚腊。產把脯
 果。松子長寸許。萬年棗。有門羊與人聞彩。文武匠卜技藝
 之人。勝他國。中有山四面異色。一面產鹽如紅。礬鑿為
 盤。匠以貯食物。不加鹽矣。三面出土。色紅白黃。可以彩畫。

頭目守之。男子卷髮長衫。善騎射。女子編髮四垂。黃漆其
頂。兩耳輪周掛絡索。以青石磨水。粧點眼眶。唇臙。耳花紋。
以為美飾。頂掛寶石珍珠珊瑚。紉為纓絡。脰臂皆釧。產青
紅黃。推姑刺。担把碧。祖母刺。猫睛。金鋼鑽。珍珠。如龍眼大。
珊瑚。金珀。神珀。臘珀。黑珀。神珠。珀珠。各色美玉。及鎖。袂。撒
哈刺。模羅達。紗羅。錦剪絨。花串等物。銀錢名。那底兒。書記
用回字。
論曰。的。親。能。規。矩。中。國。乎。

彭亨國附柔佛

彭亨亦曰彭坑在暹羅之西石崖周匝遠望則平田沃豐禾穀氣候常溫木城廣數里風俗尚樵刺香木為人殺人血祭禱求福穰災男女椎結繫卑裙富家女子金圈四五飾于頭髮常人則以五色燒珠為之上下親狎無盜賊尊佛洪武十一年國王麻哈刺惹答饒遣使表貢七物有番奴及金水罐產片腦諸香花錫永樂十二年再遣其臣蘇麻固門的里來貢萬曆中其國有柔佛之事柔佛彭亨鄰國也一名烏丁礁林王每服帶双刀諸酋望見棄刀和南序立刺焚華為字歲首以四月時有副王者送子就彭亨

王女為婚、彭亨王宴之、而在座彭亨王妹偕婆羅王子者、
手指繫珠甚美、副王心欲之、許重賞以易、婆羅王子不與、
副王恚、猝起兵襲彭亨、王與王子奔金山、王妃淳泥王之
妹也、率眾來援、副王掠而去、是時彭亨國中鬼哭三日、彭
亨隨妃至淳泥、令長子攝國、其次子殺兄、尋弑父自立、
論曰、繫珠以美為尊、國安危以之矣、

古俚國

木瓜坎茂
巴班卒

古俚一曰古里係西洋大國諸番之會自柯枝西北行三日可至東通坎巴美國北接狼奴兒地面永樂元年國王馬那必加刺滿遣使朝貢三年王沙米的復貢予勅封古俚國王五年遣太監鄭和賜王誥幣銀印立石其國題云去中國十萬餘里民物熙皞大同風俗刻石于茲永樂萬世二十一年西洋十二國遣使千二百人貢方物古俚為最國人五等回上南昆哲地草令木瓜襍處王係南昆人崇信佛教尊敬象牛相傳昔有真人某崇立教化人後他往令其弟撒沒嚟推教弟矯妄鑄一金牛誣稱牛常糞金

于是愛金而忘道。某於還罪其弟。騎象去不返。于是思
象與牛不置。輒尊敬之。俗養牛止食其乳酪。老而死埋諸
地。佛殿以銅瓦蓋。以銅鑄佛像。佛座之傍有井。王七日
晨詣殿。汲水浴佛。禮訖。令人取牛糞塗擦佛身。又煖牛糞
成白灰。為囊佩之。晨起調水自塗其額。并兩股間。各三次。
為禮佛之誠。與柯枝相同。云王有將領二係。回上人不食
猪。凡國事皆決于二將領。王老不傳子。傳外孫。以女所生
為嫡。傳無甥。傳之于弟。無弟。傳國之好善者。俗尚信義。行
者讓路。道不拾遺。海濱為市。通諸番。用金錢名吧南。銀錢
名搭兒。以葫蘆為樂器。紅銅線為絃。歌聲相應。刑無鞭笞。

以灰畫地為令。輕斷手足。重誅戮沒產。夷其族。又或疑獄。用滾油。燂右手二指。其內移時。灼爛。即屈否。如故。土宜麥。多馬。男子長衫。頭纏白布。女子髮推腦後。衫短。圍腰色布。兩耳懸金牌。線索數枚。項掛纓絡。垂真珠寶石。珊瑚其上。腕與胫皆釧。足指亦套戒圈。而木爪人。裸体不衣。與柯枝同。行術亦解彈唱。以葫蘆殼為樂器。紅銅絲為弦。頗斗。其互市。算法精捷。以兩手兩脚共二十指打算。不與絲黍。苗商標貨。則頭目哲地。于衆手中拍一掌。萬不更價。有西洋布名揷黎。奉出隣國。坎夷巴匹。闊四尺五寸。而哲地出珍寶等貨。貢物有琉璃瓶。碗。珊瑚珠。佛頭。双刃刀。番花人。

物象物手巾、或貢金絲寶帶、金絲細于髮、結花綴八寶珍
珠、鴉鵲石于上、又班卒國俗、質產薄、男女被短髮、假錦纏
頭、永樂三年、遣馬的來朝貢、

論曰、自古俚遠近、真民物熙皞、中國不若、

榜葛刺國

附詔納福兒

榜葛刺國古忻都州府西天印度國也印度五國榜葛刺為東印度一云西印度西通金剛寶座國曰詔納福兒為釋迦得道之所自蘇門答刺西北舟行二十晝夜可至或云浙地淹易小舟五百里至鎖搭兒港陸西南行三十五站至其國永樂六年國王嚮牙思丁遣使朝貢九年復至王卒子賽弗丁嗣遣中使侯顯詔之正統中再遣把一濟等獻麒麟礼部尚書胡濙請表賀從之凡詔使至其國王遣部領人馬千數先迎祭地港再迎瑣納兒港至板獨哇為酋長居處城郭甚嚴聚貨百有王之舍三重九楹柱皆銅裹

鏤琢花獸。左右甲隊明晃。丹墀孔雀翎蓋百數。象隊分侍。
 王正殿高座。剎嵌八寶。箕踞其上。劍橫于膝。有銀柱杖者
 二人。纏頭前導。五步一呼。至中則止。又金柱杖者二人。導
 如前。王舞迎詔。勅叩頭加額。鋪絨毯于殿地。款晏甚厚。但
 禁不飲酒。以蕃薇露和香蜜水飲之。宴畢。上金盃金繫腰。
 金盃金瓶為壽。副使則俱以銀。其奉貢用金筒金葉表文。
 蓋此國富而有禮者也。其國地廣人稠。風俗淳厚。王及諸
 官皆回人。男祝髮。白布纏首。圓領長衣。冒至下体。束絲
 帨。躡皮履。貌黧黑。間有一白者。國語皆猶榜葛里。市用銀
 錢。海則錢曰倘伽。則曰老黎。氣候常熱如夏。賊十二。刑有

答杖徒流官有品及印信行移軍有糧營事頭目名把斯
刺兒陰陽匠卜百工技藝大類中國常人黑白花衫紫袍
以硝子珠貫珊瑚琥珀佩之繫臂硝子珠鐲釧行術侑飲
者動樂口唱番歌舞亦有解數又名根肖連魯柰者蓋優
人也○能作百戲或鐵索繫虎行市○人家解索坐虎于庭
虎馴不去○裸而搏虎○怒交搏○仆虎數回○乃已○或手探虎
猴虎不為傷人○爭以肉啖虎○亦勞戲者○以十二月為歲○無
閏一歲二歲○凡交易雖萬金○打手而定○女不施脂粉○自然
嬌白耳垂寶鈿項掛纓絡○髻椎腦後○脰腕金鐲○手足皆上
指戒其有一種名印度不食牛肉○飲食男女不同處○夫死

不再嫁。妻死不再娶。或無倚。一村人多傳養之。不令越村。惡無義也。有布數種。凡為卑泊。為滿者。提為沙納。乞付為折。白勒答黎為妙。撮兒為覺。羅錦背面皆起絨頭。厚四五分。番名蕎里蕎勒。有白紙。亦是樹皮所造。膩滑光潤如鹿皮。椰茭為酒。檳榔當茶。器有髹漆杯盤。鑲鉄鎗剪。詔納福兒。永樂十八年。王亦不刺金。數侵榜葛刺國。遣使勅諭之。論曰。國人富而有礼。惡無義足矣。

錫蘭國

錫蘭國古狼牙以也。柯枝對峙以別羅里為界。占城極西。可望見焉。自隔山而北行三日。有翠藍山極高。番語謂高山為錫蘭。云人名拔葛密山。又出外塢。穴居男女皆裸。不粒食。芭蕉子。及羅蜜及鰕魚之類。山頂產紅雅姑。青雅姑。黃雅姑。青木。血石。肯刺。泥。蜜。沒。藍。等。一切寶石甚。兩流下。仕採之。又西行十日至佛堂山。海畔石有巨武跡。長三尺。云足釋迦足跡。下有卧佛寺。佛榻寶飾極華麗。稱為釋迦涅槃真身。側卧于此。尚有佛牙及活舍利子在。寢處可觀。入西北陸行五十里。至王居。王世瑣。溼人尚釋。

拜直舒手足、胸腹貼地為葬。王居之側、有高山石陷足跡、深二尺、長八尺、餘。稱人祖阿耨、即盤古氏遺趾也。重象牛、為令殺牛者死。旦必調牛糞、塗地以祀佛。亦煨牛糞為灰、塗額及體。地廣人稠、氣候常熱、大率上裸下纏、悅加壓腰、去鬚及遍體毫毛。留髮、父母喪、即并不去。以為孝。布纏之、火親屍、埋骨、聚諸婦拍乳而踊。女椎髻于後、下蒙白布、飲食不令入見。以金為錢、通用。海中浮沙一片、有光閃、射日。王令其家網螺蚌入珠池。二三年淘取、有稅。土宜稻、不宜麥。市用金錢。永樂初、國王亞烈苦奈兒、數要劫往來、使者諸番苦之。七年、鄭和偕行人、諸番至其國、王侮之、欲加

害和覺疾去及還復過王七誘和至國中令其子納言索
寶貨不與潛發兵五萬餘出和且斷歸路和出不意間
道竟搗王城破之俘王及家屬諸頭目歸詔釋王不死其
屬舉耶巴乃郡賢賁詔往封并送故王婦未至而國人已
立不刺葛麻巴思刺查為王詔使遜位十四年偕占城爪
哇表貢正統十年遣耶巴刺謨的里咂表貢天順三年王
葛力生夏刺悉利把交刺惹復遣使表貢上物有珊瑚硫
黃藤竭琬石

論曰鄭和入洋止困一錫蘭

柯枝國

柯枝古槃上海上國也一名阿枝自小葛蘭山西北行一
晝夜可至洪武中來貢永樂二年王亦可里遣其臣完者
答兒來貢十五年封為柯枝國王賜印誥并封其國中山
為鎮國山給碑文而系之以銘曰截彼南山吐烟出雲
為下國洪龐時其雨賜肅其煩歌作彼農禮庇于斯民靡
苗靡沴不若不逢海深山靳勒此銘詩相為始終王瑣俚
人也首纏黃白布上不衣下紫絲帔束絲壓腰綴椰葉苦
屋國人五種曰南昆與王同類最貴祝髮線緣頸次面
人次富有財者曰哲地次牙僧曰草令又次最賤曰木爪

木爪濱海而居、業漁樵、居簷不得過三尺、衣上不過臍、下不過膝、或裸遮以草、途遇南昆哲地、即伏候、過乃起、王尚浮屠、敬象牛、建寺範金為佛、每旦鳴鐘、鼓佛傍有井、輒汲泉灌佛頂、數流水溝、去己乃禮之、有曰濁肌者、蓋優婆塞道人、也、亦有妻不羅胎髮、綰不櫛、分辦垂後、蝦牛糞為灰塗、脣腰束指大黃藤、行吹大螺、為樂、妻隨之乞錢、氣候常熱、自二三月至八月常雨、所謂半年晴者、此國也、市用金銀錢、銀錢十五當金錢一、金錢名吧喃、銀錢曰答兒、或珠重三分五厘者、值金錢一千八百枚、抵銀一百兩、

論曰、滿刺淳泥而外、柯枝亦與銘、

祖法兒國

祖佐一日法兒國、漢之大夏、隋唐之吐火羅咸、皆其地也、東南皆海、西北重山、自古徧西北十晝夜可至、永樂中、王亞里遣人朝貢、宣德中、復至、其地氣候常秋、墨石為城、砌羅股石為屋、地不生草木、尚回七教、王白布纏首、衣青花綵帔、或金錦袍、靴履出乘轎、跨馬、前後列象、駝、吹簫簾、男女拳髮、女人以布兜頭、不令人見、凡禮拜佛寺沐浴、衣燃諸香、又塗薔薇露、遍体、乃往市用金錢、上文人形名、倘伽、又銅鑄小錢零用、有駝鷄如鶴、脚高三尺、二趾、毛如駱駝、走如之、亦產祖刺法、鶴頂福鹿片腦、諸藥、駝卓峯、或双峯乳

香其樹脂也。樹似榆而葉尖長。中國寶船到王論國。人出
乳香。五結。芦荟。沒藥。安息香。蘇合油。木別子之類。易貨。
論曰。西北近秋矣。

阿丹國附阿

阿丹國瀕海、自古徃西、二十二晝夜可至、壘石為城、砌羅股石為屋、三四層、厨卧皆其上、土饒給、有馬步勝兵數千人、隣國畏之、永樂九年、詔鄭和賜命互市、常採得猫睛石重二錢許、各色雅姑等宝、大顆珍珠、珊瑚高二尺外、金珀、蓄藏露麒麟獅子花猫鹿金錢豹白鳩等物、十九年、太監李奉勅賜王衣冠、王行礼甚恭、金冠黃袍、寶粧金帶、礼畢、換白番布纏頭、上加金錦之頂、服白袍、坐車、列隊而行、其頭目冠服等第不同、國人纏頭、穿撒嗒喇、梭幅簪、衣足着靴鞋、婦人長衣、頂佩寶石纓絡、耳環四對、加臂釧指環

飾用金寶工最精巧過中國市肆備諸物亦有書籍王用赤金錢名南嚙嚙又紅銅錢名南斯氣候常溫以十二月為歲無閏以新月為候其陰陽亦能推算日蝕及風雨潮汐產羚羊自胸至尾垂九塊名九尾羊又綿羊無角尾大如盤福鹿如騾白身白面駝鳴麒麟前二足高九尺後足高六尺頸長一丈六尺二短角生耳後牛尾鹿身蹄有三路匾口食粟豆麋獅子身形似虎黑黃無斑頭大口濶尾尖毛多黑長如纒聲吼如雷諸獸見之伏不敢動果有萬年棗把擔乾無猪驚嘉靖時郊壇購紅黃玉通事撒文秀言阿丹有兩山對峙自為雌雄或時自鳴常產此二玉不

果購。又阿哇國永樂中、主昌古刺常遣朝貢。
論曰、紅黃玉、必山鳴得之、邠壇何以以狀。

娑羅國

娑羅國、一曰婆羅又曰文萊、或曰古師子國、東洋之盡、西洋所
自起也。國有東西二王、永樂四年、各遣使勿黎哥等朝貢、
其國負山面海、而謹佛教、素食、善施、民食猪、死初有閩人
隨鄭和至其國、寄以爲其王、其府旁有中國碑、永樂中賜
以金印、凡國人嫁娶必請印、背上無印不榮、嘗爲佛郎
機所侵、走入山谷中、置毒水源、流出飲輒死、佛郎机以是
解兵、奔呂宋之其化、貢物有珍珠玳瑁殼焦布香蠟黑小
斚、王祝髮、裹金繡巾、腰以劒、步行、其親屬號邦奇、蘭、嚴、重
亞于王、故有木城、石城各一、今止存木城、產碑、碌、蒜、燕、延

袤二千里、西序、暄和、稱樂國、
論曰、誠樂國哉、

阿魯國肥米香

阿魯吐魯國西南海中自滿刺加四晝夜可至西連蘇門答刺界土廣人稀物產亦薄婚嫁稍與爪哇同永樂五年王速魯唐忽先遣滿刺哈三附古俚諸國來朝貢國王率是回土人產有飛虎如猫大色灰有肉翅如蝙蝠飛不甚遠不傷人男女裸體圍梢布乘獨木舟入海捕魚入山採米腦香物為生地產鶴頂片米糖腦以售商舶近有淡洋海船過其每汲之又有肥米香俗淳男女推結圍梢布論曰回土人散王諸國亦奇

大葛蘭國

小葛蘭

大葛蘭國與都欄樵近民懶耕賴烏爹之米為食番舶為風所阻不以時至過巫里洋則更險矣風俗淳樸男女纏頭穿單布長衫圍色悅而小葛蘭山連赤土與柯枝接境西洋之會也自錫蘭山別那里西北行六晝夜可至田濬少收歲藉榜葛刺米為食氣候常熱男女多回匕喃毗人市用金錢大者名佬伽小者名吧喃永樂中七官鄭和至其國附獲門答刺入貢其王鎖里人俗尚浮屠重象牛飯和酥酪婚喪頗類錫蘭論曰其柯枝錫蘭之餘欵

卜刺哇國

木骨都刺竹步刺撒

卜刺哇國、壘石為城、甃石為屋、永樂中、遣使朝貢、地片鹵有鹽池、投枝于池、起輒凝、其人拳髮圍布、捕魚為業、婦女兩耳帶金錢、頂掛纓絡、產馬哈獸、狀如麝獐、花福鹿、狀如花駒、而木骨都刺國、與相接、瀕海、城屋亦俱石壘、男子拳髮四垂、圍梢布、女人髮盤于腦、黃漆光頂、耳掛絡索、數枚、項帶銀圈、纓絡垂胸、出則單布兜遮、青紗蔽面、足履皮鞋、其地或數年無雨、穿井甚深、絞車以羊皮袋水、風俗蠢頑、操兵習射、酋長効禮進貢方物、又竹步國、與木骨都刺地連、風俗相似、產駝蹄鳴、高六七尺、又刺撒國、風俗亦相似。

論曰、數年無雨。天氣不及矣。

假馬里丁國

麻逸凍龍牙加貌

假馬里丁國與文欄山相望。海洋中氣候常熱。俗業薄。採芭蕉以代糧。煮海為鹽。釀麴為酒。地產玳瑁、羚羊。而文欄山最高。叢林、藤竹。元高興、史弼以兵征閩婆。遇風山下船壞。復登此山。造船得勝。至今有中國人雜處。蓋此時病卒百餘。留不得歸也。地少米穀。以射獵為業。又麻逸凍在文欄之西。地腴尚節。義夫死。削髮誓而絕食。七月或不死。稍勤以飲食。得甦。焚夫曰。往。赴火死。終身不嫁。自麻逸凍順風三晝夜至龍牙加貌。田禾熟。俗尚敦厚。男女椎結圍布。重親長。

論曰、必以死殉夫、較蘇羅馬、益嫁、嫁、嫁、而得子、奈何、奈何、

獼祿國

獼祿一名獼東南海中與淳泥瑣里相近人鮮粒食上魚
蝦螺蛤短髮纏皂綬煮海為鹽釀藤為酒織竹為布氣候
常熱永樂十五年其權東國者曰巴都葛以答刺權西國
者曰麻哈刺吒葛刺麻下或云巴都又構獼祿峒者之妻
曰叭都葛巴刺卜各率其屬頭目三百餘人表貢封三人
為獼祿東王西王峒王所以賜予良厚歸次德州東王病
卒命塋以王禮謚曰恭定為文碑之留其妃妾僮從十人
守墳畢三年而後返勅其子都麻合為東王十九年都麻
合來朝獻巨珠一顆重七兩五錢蓋其國有珠池云入夜

男
望之。光浮水面。亦產寶石。玳瑁等物。貢物有梅花腦。米腦。
華英常與佛郎機構兵。

論曰。蘇祿王與淳泥古麻刺皆得死中國。蒙殊禮。行
外國哉。

古麻刺國古麻刺國

古麻刺國東南海中統百餘州佛宇四千餘向未通中國
永樂十八年國王幹刺義亦敦奔來一頃本哇率其妻子陪臣
來朝予勅封王歸次福州病卒賜謚康靖勅葬閩縣有司
歲祀其南有層坡國其人大食種纏布躡皮鞋產牙生金

勿斯里

勿斯里國所轄州十六村落三百六十每村供國用一日
王白晢着衫出入乘馬儀從甚都導馬三百匹肅十頭縻
以鉄索臂鷹扶劍以從有大塔高二百丈國有兵據塔上
以距或云其國百年不一雨有天江水極其常溢也過也

之江上有鏡。它國盜來。輒先招之。治戰具。

木蘭皮

打回咭吟

木蘭皮國。西海中。其船容萬人。酒肆果園俱備。物產亦異。粒長三寸。爪圓六尺。胡羊高數尺。春割腹取脂。縫合仍活。秋風忽起。人獸急就水飲。稍遲渴死。又打回咭吟。順哈。海外小國。打回。永樂三年。遣使朝貢。咭吟。纏首長衫。不食豕肉。食以手攬。不通朝貢。附船香山澳。順哈人醜而黑。婚姻意合則從。

巴刺西

巴刺西國在南海甚遠。正德辛未。遣使臣沙他白入貢言。

領其王命在洋船凡四年至西瀾船壞以脚艇飄風八日至吉零國又往所為秘得地陸行二十六日乃至暹羅附番人素林船入廣其所貢木匣六內金葉表又祖母綠一塊珊瑚樹四株玻璃瓶觥各四及瑪瑙珠胡里丹

急蘭丹

王會諸國

急蘭丹國與奇刺泥國夏刺比國窟察泥國烏涉刺錫國魯密國彭加那國捨刺齊國八可意國坎巴夷替國喃渤利國千里達國沙里灣泥國以上共十三國皆海外小國不詳風土永樂中皆遣使朝貢

溜山國

牒幹

海山國、自蘇門答刺過小帽山、西南十日可至、在西海中、如洲、有石城門、如城闕、人皆巢居穴處、以草木葉蔽前後、不識菽粟、啖魚蝦、有八村稍大、皆以溜名、為沙、為八、不知為起泉、為麻里奇、為加半年、為加加、為安都里、為官瑞、共八溜、可通舟楫、餘小溜無慮三千、土人曰此弱水三千也、失船入溜溺矣、山傍有牒幹國、皆回土人、業漢種、椰氣候常熱、市用銀錢、產龍涎、織絲帛、甚精緻、永樂中、王亦速福遣使朝貢。

其巴里

其巴里未審即其巴里否

其巴里國、南海中大島上、永樂十三年、國王梵哇刺查遣

使得名公葛仁朝貢其人粒食亦鮮食多綿繡甘杞里國西南海中永樂間遣六人來朝自言國小產薄不通交易奉佛不求積聚然無丐者

加異勒國

加異勒國西戎小種居人寡少不及十家晏而備鄰國永樂中王者麻里奈那遣使別里呆不來朝貢宣德正統時一再至

麻蘇國

麻蘇國未詳所在永樂十二年遣使朝貢進麒麟文馬神鹿禮部尚書呂震請表賀上不許

黑葛達國初書建

黑葛達國小民貧地平衍尚佛畏刑市用銀錢宣德中遣使十人朝貢又有白葛達海中小國風尚與黑葛達同宣德中國王遣和者里一思朝貢

西洋瑣里瑣里

西洋瑣里其地近瑣里差大兩國物產甚微風俗頗類洪武三年西洋瑣里王別里提以金葉表文貢方物五年瑣里國王卜剌的遣撒馬牙茶嘉兒幹的亦剌丹八兒奉金字表朝貢圖上其土地山川賜大統曆金幣永樂元年兩國復遣人朝貢二十一年西洋十六國遣使千二百人貢

方物而西洋瑣里貢獨豐美

敏真誠國

敏真誠國亦大多高山流水、縛木為渡、日中為市、諸賈皆集、永樂中、王遣四十人來朝貢、

八荅黑商國

八荅黑商、永樂間、遣四十人來貢方物、織皮、絨、罽、香木、其國山川明秀、人俗朴寔、好佛法、西洋西域皆商販於此、

火刺札國

火刺札國、微人弱、物產涼薄、山鮮草木、水無魚蝦、城僅里許、悉土屋板屋、重佛、永樂十四年、嘗遣人朝貢、

討來思

討來思在海 國在不百里、城近山、下有水、赤色、望之如火、俗尚佛、婦人主家事、土宜麥稌、無稻穀、宣德六年、嘗遣人朝貢、

吃力麻兒國

吃力麻兒、永樂中、遣使十一人來朝、貢方物、惟獸皮鳥羽、爵福之類、其俗不事耕農、喜射獵、林多猛獸毒蟲、

失刺思國

失刺思、永樂中、遣使朝貢、時以內綺幣磁器市馬於迤西及其國、宣德中、遣使十人來朝貢、

納失者罕國

納失者罕、東去失刺思、但舟行數程、產馬數種、最小者高
不過三尺、敬佛、健閑、不勝者衆、共嗤之、永樂中、遣使十人
朝貢。

亦思把罕國

亦思把罕、於西南海中為大國、廣袤十里、王居壯麗、物產
豐厚、風俗質朴、尚佛、畏刑、有珠珀、無稻黍、日食惟糗麥、永
樂中、遣四十四人來朝貢。

賓童龍

國

賓童龍國與

連接、宋為賓

龍國、有雙澗水、澄

家

即此地也。目所居遺址尚存人

物風土草

小氣族與

占城大同小異。惟喪死有服。婚姻偶

合。酋長出入乘象

或馬

執看鑽唱。曰亞曰僕。地產柳楠香

象牙小民編

茅而居

覽邦國

覽邦漢踈勒國也。去西域遠甚。好佛無賈販市用錢地多沙磧產麻若麥而已。其山陂陀其水淺濁有駝馬牛羊洪武九年國王昔里馬哈刺札的刺札遣使朝貢永樂宣德中附鄰國表貢方物或曰其國好食人故港口無維繫者

淡巴國

淡巴古狼牙修國在西南海中洪武十年國王滿喝思羅遣使奉貢其國風景秀贍土衍水清石城而瓦屋王與其臣出入謀從具威儀耕織勤生事市有交易野無盜寇樂土也貢物苾布兜羅錦被沉香諸香胡椒

白松虎兒國

白松虎兒舊名速麻里兒偶有白虎出松林遇人不傷忽不見以為神國既為白松虎兒永樂中遣使十六人來朝貢

阿速

阿速近天方多撒馬兒罕人敬佛畏

鬼好施惡聞人無仇怨夜無寇盜永樂中遣百十二人來朝貢

沙哈魯

沙哈魯在阿述南海島中城居瓦屋古月利人民淳直耻聞好佛永樂中遣七十七人來朝論曰自古麻刺以往二十五國漸微矣而率數萬里觀光不擇細流事小之禮有然歟

按海昌備志罪惟錄一百二十卷查繼佐撰繼
佐字伊璜號與齋又號左尹自號東山釣史崇
禎癸酉舉人浙東授職方主事浚不復出晚闢
敬脩堂於杭之鐵冶嶺著書其中學者稱敬脩
先生今作左尹字非人實名與字之度詞也是本
爲先生手藁凡本紀二十二卷志三十二卷附錄不
分卷列傳三十五卷內子卷六又卷二十一數複實
凡十六卷致命諸臣僅標卷十四上哀集至數鉅
冊且各目間有缺總論者蓋多脫簡然蓋以附錄
去一百二十之數相差無幾矣是書纂述之勤及

宗旨之所在具詳自序中先生當時幾罹莊氏史
獄故是書存留之日無一時不慄青鎖之懼乃垂
三百年巨帙沈而復見詎非九原靈爽所式憑
歟惟分目鄰於杜撰諸志繁簡失宜叙事疎略
歐公文義轉致缺誤又前後重見如楊循吉分見
於卷十三卷二十邵寶分見於卷十卷十六方外內紀
東復回殊域字被誅而回誤內復有復見心一條閨
懿女貞內記武昌女子而婦死寇烈內復出何泚女即
武昌女子此類不可枚舉又夏言之死等於郴山不為
列傳劉宗周祁彪佳俱理學名臣身殉國難列諸

武畧以及教匪流賊襟廁奸壬均於義未安又
史以褒貶為主究異琬琰之編如溫體仁周
延儒位至宰輔尤爲時論所特注不爲立傳
未詳何義又列傳後之列朝逸傳亦卽附錄
之意祇限於其人之一節傳中如袁崇煥阮大
鍼關係時事至鉅他卷既無專傳實嫌疏略
以上諸端俱未可以史例繩之也竊謂列朝史冊
典午以後率由官撰類取文飾有明一代前有靖
難後有復辟此主彼奴真實湮汨而名流著作
凡閩涉遼事或建州者大半斥入禁目明史一書

全據橫雲舊稿德國初文字諸獄趨避無可諱
言是編遺文逸事足以補正明史者實多雖以有
疵類無傷也備志引拜經樓題跋記謂萬季野
史藁即係此書且引周松雷語有朱康流張待
軒傳及海昌俞子久事以資證佐今檢此書僅
諸王傳海寧諸生俞子久區宗室李蘭皋坐誅
一事餘均無之殆係偶同近滬估有持石渠書求售
者謂即季野史稿以索價過鉅即時持去惜未稍
畱互勘一析其疑也已丑清明節吳興劉永幹跋

跋

右罪惟錄一百又二卷海寧查伊璜先生

撰

撰左尹之名自

敘中已明言其僞託清介列傳查應兆傳論曰蓋吾氏有兩閩
籓其一毖齋約亦以清介聞云云播匿列傳黑子僧傳曰而聽
月爲余族弟得臨濟之傳者云云其他散見各傳若監軍江上
諸事皆可證明是書爲先生所撰惟自敘云始於甲申成於壬
子沈仲方所撰先生年譜則云乙未先生五十五歲始著罪惟
錄歷二十年乙卯迺成年已七十五矣所序著書年月略有參
差要當以自序爲據序中所云別號東山者時先生隱居硤石
東山萬石窩故云然也此書自序僅言改名罪惟不知原名是
否明書

費景韓姑夫著敬修堂歷著書目考載管芷湘先生所見罪惟

錄殘稿以較此稿少帝紀二十二卷數志一卷祖禰至衡運列傳外蕃列傳七卷及外志逸傳等多荒節諸臣回回荒服三傳及諡法後論一卷然管先生所見凡兩種一則售於金陵被裝潢割裂者一則藏於吾鄉佚前二冊或有傳無論或有論無傳者皆非全書今是書不獨自敘志敘二篇爲伊璜先生手寫卽書中諸稿凡行書者皆手筆也而又紀傳皆備首尾完整似較芷湘先生所見之本爲善矣

此書雖未標荒節之名然諸臣之傳皆在回回各傳外蕃中亦詳載之荒服至王會諸國而極矣今皆在外國傳中則所短者僅諡法後論一卷而已所惜芷湘先生所見二書及是書皆無原目不能印證究竟回回荒服二傳是否分列抑係後人割裂卷帙強爲之名也

全書海昌備志引金志云一百二十卷書目考連自敘作九十卷今按原書致命列傳僅標十四上而中下兩卷未分外志標爲三十二卷上亦未分中下是原未定卷一百二十之數殆武斷也今遵管目增荒節一傳致命外志承原標之意皆分爲三共計子卷序目爲一百又三卷可以復先生之舊矣外志原書附在志後體例不符今移在列傳之後

此書翼運衡運二傳卽敬修堂說外二卷也據年譜說外刊成於順治辛卯則自序始於甲申之證也中經莊氏史獄（康熙壬辰吳興黃氏）繫獄幾二百日後更遊粵自粵歸隱始成全書則成於壬子之證也在史獄之前先生已有說外說造諸作則莊氏之史先生所樂與共事可知矣史獄之後莊氏之書燬而不傳先哲亦無敢載筆述其書之情狀然吾意先生是書必大半以莊氏之書

爲藍本而加以筆削者也惜無碣證所得者僅文史列傳焦竑傳論中引莊鑑曰致身錄一書童子皆知其僞而弱侯寶之數語耳然卽此亦可證取材莊史矣

先生是書最注意者靖難奪門議禮鼎革數事河西傭補鍋匠等皆爲列傳顧佐等皆入乘時則宜乎三楊金蹇之爲荒節也凡乘時一傳幾皆爲靖難奪門議禮三事而設桂主之後附以以韓主鄭成功及臺灣二傳又慨乎言之則惓惓故國之心可見矣

是書諫議傳無楊漣等隱逸傳僅至孫一元奸壬傳無馬士英等關帙至多蓋原書每傳不連寫又經後人任意裝訂先後倒置無目錄可查故雖閱而不知也今日旣據書補錄不揣荒陋他日當爲之補傳以成全書

袁崇煥黃斌卿入逸傳豈以是非難定耶阮大鍼不入奸壬傳則所不解矣

昔年鈔得談孺木先生國權八十餘冊談先生雖海鹽人國變之後寄寓西山之下以成此書今復鈔得是書硃一小鎮東西二山培塿耳乃二先生隱此著二巨書幸哉整理之責後人所當任矣

原書向藏仁和吳氏清來堂今歸吳興劉氏嘉業堂承翰怡兄借鈔凡六閱月而畢因記之如此

辛未六月大暑後三日張宗祥記

跋

海寧張君聞聲傳錄其鄉賢查東山先生罪惟錄既成畀余數十巨冊曰是不可以不傳余受而讀之復勾劉君翰怡所藏東山手稿互校知二本文無增損卷目微異則聞聲所變更也按原書本紀二十二卷志三十二卷列傳三十五卷增子目又八卷綜九十七卷全書無總目無分目紀志井然獨列傳或有總論或無總論有總論者亦略不及本傳姓名僅首列一人前題某某傳餘均各爲起迄復不記卷次葉號故隸甲類者往往可移之乙乃至於丙丁聞聲以其闕略疏誤重加釐次有併合者如傳卷十二二十三漏載總論傳目無統可繫則以分隸於經濟諫議二傳有分析者武略播匿原均列卷二十一則區之爲二有增益者如參照他本補荒節叛逆二傳又析傳卷十四志卷

三十二爲三子卷以弭其有上無中下之失有削除者如刪原不列卷且僅存一人之回誤而納之於荒節中其他各依其性質互爲移徙者有之詳辨其文義釐正錯簡者有之余恐其猶有未盡以授何君柏丞柏丞復舉所見與聞聲商榷更定次第一如今本共成一百有二卷余惟東山之著是書始於崇禎甲申終於康熙壬子原名明書經莊氏史案改易今名深自晦匿幸逃禁網至乾隆時文字之獄又起藏者懼罪不忍投諸水火取建鹵滿兵北師東人等字而塗易之冀免於禍今筆痕墨影之中猶可徐返其朔閱時既久蟲鼠爲虐大者或連篇累葉首尾不完小者亦零段散片破碎華離裝工無識妄相湊合文義乖舛不可卒讀反覆追尋棼絲稍治此不可謂非藝林幸事且名賢遺墨實爲瑰寶修飾點竄尤具苦心翰怡慙慙以原稿印

行顧卷葉淆亂既經檢理文字殘逸闕聲亦多有校補既取原稿付印更須摹補校文姜君佐禹以二本讐對歷時半載始克歲事佐禹語余此蓋東山重訂未完之書出獄以還深懼覆轍埋首數年匆匆卒業自敍暨他人分寫之本殆成於此時其全文中脫數行合傳缺一二人者或當時未就之稿有傳爲清本而論爲手寫或全篇手寫者必續訪新得或芟除重撰之作書尙徐待編排故各自爲篇篇不記葉觀於某卷顛倒錯亂當重爲排定之言眉端入某某目之註可以概見其紀逸志逸傳逸諸篇揆之史例殊多未合意必當日筆削餘材不忍舍棄強立名目附以流傳要之東山冒死成書爲有明留三百年之信史歷劫無算終免沉淪正不必以其有所疎漏而過爲吹求况張氏拾補所以彌其缺憾者尤非鮮也余嘗讀藝風堂文漫存記

其所見一本志僅二十七卷頗疑其何以不符證以佐禹之言
乃知爲初修之稿而非手定之本則此洵爲最後而可信者矣
東山自言罪惟錄得復原題之日卽左尹得復原姓名之日今
雖仍題所易之名而原名實已盡人皆喻九原有知其亦可以
稍慰也乎民國二十五年丙子六月海鹽張元濟